

৪র্থ বর্ষ
৫ম সংখ্যা
ফেব্রুয়ারী ২০০১

আজিক

আত্মতাহরীক

ধর্ম, সমাজ ও সাহিত্য বিষয়ক গবেষণা পত্রিকা



প্রকাশকঃ

হাদীছ ফাউন্ডেশন বাংলাদেশ

কাজলা, রাজশাহী।

ফোন ও ফ্যাক্সঃ (অবুঃ) ০৭২১-৭৬০৫২১, ফোনঃ ৭৬১৩৭৮, ৭৬১৭৪১

মুদ্রণেঃ দি বেঙ্গল প্রেস, রাণীবাজার, রাজশাহী, ফোনঃ ৭৭৪৬১২।

رب زدنى علما

مجلة "التحرير" الشهرية علمية أدبية و دينية
جلد: ৪ عدد: ৫, ذوالقعدة و ذوالحجة ১৪২১ھ/ فرانس ২০০১
رئيس التحرير: د. محمد أسد الله الخالبي
تصدرها حديث فاؤنڈيشن بنغلاديش

প্রচ্ছদ পরিচিতিঃ তাওহীদ ট্রাস্ট (রেজিঃ) -এর সৌজন্যে নবনির্মিত যেনা পূর্বপাড়া আহলেহাদীছ জামে মসজিদ, সাতক্ষীরা।

Monthly AT-TAHREEK an extra-Ordinary Islamic research Journal of Bangladesh directed to Salafi Path based on pure Tawheed and sahih Sunnah. Enriched with valuable writings of renowned Columnists and writes of home and abroad, aiming at establishing a pure Islamic society in Bangladesh. Some of regular columns of the Journal are: 1. Dars-i Quran 2. Dars-i Hadith 3. Research Articles 4. Lives of Sahaba & Pioneers of Islam 5. Wonder of Science 6. Health & Medicine 7. News: Home & Abroad & Muslim world 8. Pages for Women 9. Children 10. Poetry 11. Fatawa etc.

বিজ্ঞাপনের হার

- ❖ শেষ প্রচ্ছদ : ৩,০০০/=
- ❖ দ্বিতীয় প্রচ্ছদ : ২,০০০/=
- ❖ তৃতীয় প্রচ্ছদ : ১,০০০/=
- ❖ সাধারণ পূর্ণ পৃষ্ঠা : ১,৫০০/=
- ❖ সাধারণ অর্ধ পৃষ্ঠা : ৮০০/=
- ❖ সাধারণ সিকি পৃষ্ঠা : ৫০০/=
- ❖ অর্ধ সিকি পৃষ্ঠা : ২৫০/=
- ❖ স্থায়ী, বার্ষিক ও নিয়মিত (নানাপক্ষে ৩ সংখ্যা) বিজ্ঞাপনের ক্ষেত্রে বিদেশি কমিশনের ব্যবস্থা আছে।

বার্ষিক গ্রাহক চাঁদার হার :

দেশের নাম	রেজিঃ ডাক	সাধারণ ডাক
বাংলাদেশ	১৫৫/=	(মান্বাষিক ৮০/=) = = = =
এশিয়া মহাদেশ :	৬০০/=	৫৩০/=
ভারত, নেপাল ও ভুটান :	৪১০/=	৩৪০/=
পাকিস্তান :	৫৪০/=	৪৭০/=
ইসরায়েল, ইজিপ্ত ও অফ্রিকা মহাদেশ	৭৪০/=	৬৭০/=
আসেয়া মহাদেশ :	৮৭০/=	৮০০/=

ডি. পি. পি. প্রেরণ পরিষদে গঠিত ৫০% টাকা অগ্রিম পাঠাতে হবে। বছরের শেষের পরে বাকী টাকা অগ্রিম পাঠাতে হবে।

বছরিক বা ডাক পরিষদের জন্য ডেপো-ই-সভা-অফিস সাত-তাহরীক ৩৯, ৩৯, ডি ১৩৩, ইন্ডাস্ট্রিয়াল এডভান্সড হাউস, সাত-তাহরীক পল্লী, কলকাতা, ভারত। ফোনঃ ৯৮৬১৩৩, ৯৮৬১৩৩

Monthly AT-TAHREEK

Chief Editor : Dr. Muhammad Asadullah Al-Ghaffar

Editor: Muhammad Oskawal Hassan

Published by : Harisa Foundation Bangladesh

Kajla, Rajshahi, Bangladesh.

Yearly subscriber (include Post) : Tk. 155/00 & Tk. 80/00 for six months.

Mailing Address : Harisa Foundation AT-TAHREEK

NAWDAPARA MAWRASATI (Ali pur Road) P. O. SAPURA, RAJSHAHI.

Ph & Fax : (0721) 761375, Ph : (0721) 761378, 761741

মা

بِسْمِ اللّٰهِ الرَّحْمٰنِ الرَّحِیْمِ

আত-তাহরীক

مجلة "التحریر" الشهرية علمية أدبية و دينية

ধর্ম, সমাজ ও সাহিত্য বিষয়ক গবেষণা পত্রিকা

তারিখ: ১৬ জুলাই ১৪৩৪

সূচীপত্র

৪র্থ বর্ষ:	৫ম সংখ্যা
শিলকুদ ও শিলহজ্জ	১৪২১ হিঃ
মাঘ ও ফালগুন	১৪০৭ বাং
ফেব্রুয়ারী	২০০১ ইং

সম্পাদক মঞ্জুরী সভাপতি
ডঃ মুহাম্মাদ আসাদুল্লাহ আল-গালিব
সম্পাদক
মুহাম্মাদ সাখাওয়াত হোসাইন
সার্কুলেশন ম্যানেজার
আবুল কালাম মুহাম্মাদ সাইফুর রহমান
বিজ্ঞাপন ম্যানেজার
মুহাম্মাদ যিলুর রহমান মোল্লা

কম্পোজিং হাদীছ ফাউন্ডেশন কম্পিউটার্স

যোগাযোগঃ

নির্বাহী সম্পাদক, মাসিক আত-তাহরীক
নওদাপাড়া মাদরাসা (বিমান বন্দর রোড),
পোঃ সপুরা, রাজশাহী।
মাদরাসা ফোনঃ (০৭২১) ৭৬১৩৭৮,
কেন্দ্রীয় 'যুবসংঘ' অফিস ফোনঃ ৭৬১৭৪১,
সম্পাদক মঞ্জুরী সভাপতি
ফোন ও ফ্যাক্সঃ (বাসা) ৭৬০৫২৫।
E-mail: at-tahreek@rajbd.com

টাকাঃ

তাওহীদ ট্রাস্ট অফিস ফোন ও ফ্যাক্সঃ ৮৯১৬৭৯২।
'আন্দোলন' ও 'যুবসংঘ' অফিস ফোনঃ ৯৫৬৮২৮৯।

হাদিয়াঃ ১০ টাকা মাত্র।

হাদীছ ফাউন্ডেশন বাংলাদেশ
কাজলা, রাজশাহী কর্তৃক প্রকাশিত এবং
দি বেঙ্গল প্রেস, রাণীবাজার, রাজশাহী হ'তে মুদ্রিত।

★ সম্পাদকীয়	০২
★ দরসে কুরআন	০৬
★ দরসে হাদীছ	০৯
★ প্রবন্ধঃ	
□ তাকবীরা-তুল ঈদায়েন - মুহাম্মাদ আসাদুল্লাহ আল-গালিব	২১
□ ইত্তেবা ও আহলেহাদীছ - ইঞ্জিনিয়ার মুহাম্মাদ শাহজাহান	২৩
□ এক নযরে হজ্জ - মুহাম্মাদ সাঈদুর রহমান	২৫
□ ইপ্রচলিত যঈফ ও জাল হাদীছ সমূহ - আব্দুর রায়হাক বিন ইউসুফ	২৬
□ মারইয়াম (আঃ)-এর সন্তান লাভঃ বিজ্ঞানের দৃষ্টিভঙ্গি - আব্দুল গফুর	২৭
★ অর্থনীতির পাতা	
□ পুঁজিবাদ, সমাজতন্ত্র ও ইসলাম - শাহ মুহাম্মাদ হাবীবুর রহমান	২৯
★ মহিলা ছাহাবী	
□ হযরত আয়েশা (রাঃ) - মুহাম্মাদ কাবীরুল ইসলাম	৩৩
★ চিকিৎসা জগত	
□ (ক) গবাদি পশুর নিউমোনিয়া (খ) মোরগ-মুরগীর বসন্ত রোগ - ডাঃ মুহাম্মাদ মনছুর আলী	৩৭
★ গল্পের মাধ্যমে জ্ঞান	
□ (১) লোভী বণিক - মুহাম্মাদ আতাউর রহমান (খ) মৃত্যু থেকে পালাবার পথ নেই - মুহিববুর রহমান	৩৯
★ কবিতা	
○ আলোর আলো - শরীফুল ইসলাম মুহাম্মাদী	৪১
○ আজকের শিশু - আব্দুল মুনায়েম	
★ স্বদেশ-বিদেশ	৪২
★ মুসলিম জাহান	৪৭
★ বিজ্ঞান ও বিশ্বয়	৪৮
★ সংগঠন সংবাদ	৪৯
★ প্রশ্নোত্তর	৫০

ইলম ও আলেমের মর্যাদা:

ইসলাম টিকে থাকে আলেমদের মাধ্যমে। আলেমগণ হ'লেন আল্লাহ প্রেরিত অহি-র ইলমের ধারক, বাহক ও প্রচারক। হকপন্থী আলেমদের মাধ্যমেই যুগ যুগ ধরে দীন বেঁচে আছে ও আগামীতেও থাকবে। 'আল্লাহকে সত্যিকার অর্থে ভয় করেন আলেমগণ' (ফাতির ২৮)। 'যারা আলেম ও যারা আলেম নয়, তারা কখনোই সমান নয়' (যুমার ৯)। রাসূল (ছাঃ) বলেন তোমাদের মধ্যে শ্রেষ্ঠ সেই ব্যক্তি যিনি কুরআন শিক্ষা করেন ও অন্যকে শিক্ষা দেন' (রুখারী)। তিনি বলেন, যে ব্যক্তি ইলম শিক্ষার জন্য রাস্তায় বের হয়, আল্লাহ তাকে জান্নাতের রাস্তাসমূহের মধ্যে একটি রাস্তা বের করে দেন। ফেরেশতারা ইলম অন্বেষণকারী ব্যক্তির সন্তুষ্টির জন্য তাদের পাখা সমূহ বিছিয়ে দেন। আলেমের জন্য ক্ষমা ভিক্ষা করে আসমান ও যমীনে যা কিছু আছে সবাই, এমনকি পানির মধ্যকার মাছগুলিও। একজন ইবাদতকারীর উপরে একজন আলেমের মর্যাদা পূর্ণিমা রাতে তারকারাজির উপরে চন্দ্রের মর্যাদার ন্যায়। আলেমগণ নবীদের উত্তরাধিকারী। নবীগণ কোন দীনার ও আলেমের মর্যাদা অর্জন করেছে, সে ব্যক্তি যথেষ্ট অর্জন করেছে' (আহমাদ, তিরমিযী, সনদ হাসান)। অন্যত্র তিনি বলেন, 'আবেদের উপরে আলেমের মর্যাদা তোমাদের উপরে আমার মর্যাদার ন্যায়'। অতঃপর তিনি বলেন, নিশ্চয়ই আল্লাহ, তাঁর ফেরেশতা মণ্ডলী এবং আসমান ও যমীনবাসী এমনকি গর্ভের পিপীলিকা ও পানির মধ্যকার মাছ পর্যন্ত জনগণকে সুশিক্ষা দানকারী আলেমের জন্য দো'আ করে থাকে' (তিরমিযী, হাসান হুহীহ)। তিনি বলেন, যে ব্যক্তি ইলম শিক্ষার পথে অগ্রসর হয়, আল্লাহ তাকে জান্নাতের পথ প্রদর্শন করেন' (মুসলিম)। তিনি বলেন, আল্লাহ যার মঙ্গল চান, তাকে ধানের বুঝ দান করেন' (মুত্তাফাকু আলাইহ)। অন্যত্র তিনি বলেন, যে ব্যক্তি মানুষকে কল্যাণের পথ দেখায়, সে ব্যক্তি কল্যাণকারী ব্যক্তির সমপরিমাণ ছুঁয়াব পায়' (মুসলিম)। তিনি বলেন, 'নিশ্চয়ই আল্লাহ বান্দাদের মধ্য হ'তে ইলমকে ছিনিয়ে নেবেন না। কিন্তু তিনি ইলম উঠিয়ে নেবেন আলেম উঠিয়ে নেবার মাধ্যমে। ফলে এমন অবস্থা হবে যে, প্রকৃত আলেম আর কেউ থাকবে না। তখন লোকেরা জাহিল নেতাদের কাছে যাবে ও তাদের কাছে বিভিন্ন প্রশ্ন জিজ্ঞেস করবে। তখন তারা বিনা ইলমে ফণ্ডায়া দিবে। ফলে তারা নিজেরা পথভ্রষ্ট হবে ও অন্যকে পথভ্রষ্ট করবে' (মুত্তাফাকু আলাইহ)। রাসূলুল্লাহ (ছাঃ) বলেন, যখন মানুষ মারা যায়, তখন তার সমস্ত আমল বিচ্ছিন্ন হয়ে যায়, তিনটি আমল ব্যতীত। ১- ছাদাক্বায় জারিয়াহ ২- উপকারী ইলম ও ৩- সুসন্তান, যে তার জন্য দো'আ করে' (মুসলিম)। রাসূলুল্লাহ (ছাঃ) বলেন, অতদিন ক্বিয়ামত হবে না, যতদিন পৃথিবীতে 'আল্লাহ' বলার মত একজন তাওহীদপন্থী মুমিন বেঁচে থাকবে' (মুসলিম)। এতে বুঝা যায় যে, অন্যায়ের ভরা এ পৃথিবী এখনো টিকে আছে কেবল তাওহীদবাদী মুমিনদের জন্যই।

আলেমদের মধ্যে স্তরভেদ রয়েছে। কেউ কুরআনের ইলমে পারদর্শী, কেউ হাদীছের ইলমে, কেউ উভয় ইলমে যোগ্য। যার মধ্যে কুরআন ও হাদীছের গভীর ইলমের সাথে সাথে তাক্বওয়া, দূরদর্শিতা ও সুস্বদর্শিতার নে'মত আল্লাহ পাক দান করেছেন, তিনিই সত্যিকার অর্থে ফক্বীহ, মুজতাহিদ ও মুফতী হওয়ার যোগ্যতা রাখেন। এই ধরনের হকপন্থী আলেমের সংখ্যা চিরদিনই কম এবং আজও অতীব কম। যাদেরকে খুঁজে নিয়ে তাদের অনুসরণ করা জনগণের দায়িত্ব। বিশ্বের সকল প্রান্তে এ ধরনের স্বল্পসংখ্যক ক্ষণজন্মা ওলামায়ে কেরামের মাধ্যমেই দীন যিন্দা রয়েছে। তারা কখনোই ধ্বিনের অসম্মানকে বরদাশত করেননি। কোন অপশক্তির রক্তক্ষুষ্কে ভয় করেননি। যদিও আলেম নামধারী একদল কুচক্রী সর্বদা এঁদের বিরোধিতা করেছে এবং সকল প্রকারের ক্ষতি সাধনের চেষ্টা করেছে। চার ইমামের কেউই এঁদের হিংসা ও চক্রান্ত থেকে মুক্তি পাননি। বিদ'আতী ও দলপন্থী আলেম ও রাষ্ট্রনায়কদের অত্যাচারে নির্যাতিত হয়েছেন ইমাম ইবনে তায়মিয়াহ, হাফেয ইবনুল ক্বাইয়িম প্রমুখ হাদীছপন্থী ওলামায়ে কেরাম।

পাক-ভারত উপমহাদেশে দিল্লীর অলিউল্লাহ পরিবার ও তাদের মুকুটমণি জিহাদী সন্তান শাহ ইসমাঈল (রহঃ)-এর অকুতোভয় লেখনী, বাগিতা ও জিহাদী তৎপরতা সারা ভারতবর্ষকে আন্দোলিত করেছিল। দখলদার ইংরেজ ও তাদের এদেশীয় দালাল চরিত্রের হিন্দু-মুসলমান জমিদার-নবাব-নাইটরা সর্বশক্তি নিয়ে আলেমদের বিরুদ্ধে ঝাঁপিয়ে পড়েছিল। ঘৃণা, চক্রান্ত, মিথ্যা অপবাদ, বিশ্বাসঘাতকতা ইত্যাদির মাধ্যমে এইসব সরল-সিধা দীনদার মুজাহিদ ওলামায়ে কেরামকে নির্যাতিত ও নিশ্চিহ্ন করা হয়েছিল। বড় বড় বিলাসী পীরের সুরম্য প্রাসাদরাজি ও সমাধিসৌধ দেখা গেলেও বালাকোটের শহীদদের কবরের চিহ্ন খুঁজে পাওয়া যায় না। সৈয়দ আহমদ ব্রেলভী ও শাহ ইসমাঈলের লাশকে টুকরা টুকরা করে কাগান নদীতে ভাসিয়ে দেওয়া হয়েছিল, যাতে দুনিয়ার মানুষ তাদের কোন সন্ধান না পায়। তাদের সেদিনকার রক্ত আখরে লেখা শাহাদাতের সিঁড়ি বেয়েই আসে ছাদিকপুর পাটনার আলী ভ্রাতৃদ্বয়ের নেতৃত্বে শতবর্ষ ব্যাপী জিহাদ আন্দোলন। রাজনৈতিক ও অর্থনৈতিক ক্ষেত্রে জেঁকে বসা অপশক্তি ছাড়াও ধর্মীয় ক্ষেত্রে জেঁকে বসা শিরক ও বিদ'আতের শিখণ্ডিতের বিরুদ্ধেও ছিল তাঁদের জিহাদ। ফলে একদল নামধারী আলেম ছিল তাঁদের প্রধান গৃহশত্রু। এদের ফণ্ডওয়ার শিকারে পরিণত হয়েছিলেন সেদিন এইসব হকপন্থী ওলামায়ে দ্বীন। লা-মায়হাবী, লা-দ্বীনী ইত্যাদি নামে এইসব দ্বীনদার মুজাহিদ ওলামায়ে কেরামকে সেদিন সমাজে কোনঠাসা করার চেষ্টা করা হয়েছিল। যাদের অবিরত জিহাদী তৎপরতায় অতিষ্ঠ হয়ে দখলদার ইংরেজ অবশেষে ভারত ছাড়তে বাধ্য হ'ল, সেই জিহাদী আহলেহাদীছ ওলামায়ে কেরামকে এখন ইংরেজের লাইসেন্সপ্রাপ্ত 'আহলেহাদীছ' নামের অধিকারী দল বলে কিছু সংখ্যক দৃষ্টমতি আলেম আজও কালি-কলম খরচ করে চলেছেন। ধর্মের নামে মায়হাবী দলাদলি করে মুসলিম উম্মাহকে বিশেষ করে সুন্নী মুসলমানদেরকে অসংখ্য তরীকা ও ময়হাবে বিভক্ত করে যারা ফায়দা লুটছেন। যারা স্ব স্ব মায়হাব ও তরীকা থেকে সামান্য বিচ্যুতিকে ইসলাম থেকে খারিজ হয়ে যাওয়ার শামিল মনে করেন, তাদের এই সংকীর্ণতার বিরুদ্ধে গিয়ে মুসলিম উম্মাহকে পবিত্র কুরআন ও হুহীহ হাদীছের ভিত্তিতে ঐক্যবদ্ধ শক্তিশালী মহাজাতিতে পরিণত করার জন্য যে আন্দোলনের মাধ্যমে জনগণকে সংগঠিত করার চেষ্টা যুগ যুগ ধরে চলে আসছে, সেই মহান আন্দোলনের নামই 'আহলেহাদীছ আন্দোলন'। এই আন্দোলনের নেতৃস্থানীয় ওলামায়ে কেরাম চিরকাল হক্ব-এর আওয়ায বুলন্দ করে গেছেন। আজও করে চলেছেন। ক্বিয়ামত-এর প্রাক্কাল পর্যন্ত এই দাওয়াত তারা দিয়ে যাবেন ইনশাআল্লাহ। যে সকল হকপন্থী আলেম অন্যায়ের বিরুদ্ধে এবং দ্বীনে হক্ব-এর পক্ষে সোচ্চার হবেন, আমরা সর্বদা তাঁদের পাশে থাকব, একথা নির্দিধায় বলা যেতে পারে। পূর্বকালের মুসলিম রাষ্ট্রনায়কদের ন্যায় আজও যদি কেউ কোন দ্বীনদার আলেমের অমর্যাদা করেন, তাহ'লে আমরা অবশ্যই তার প্রতিবাদ করি এবং আল্লাহপাকের নিকটে এর বিরুদ্ধে ফরিয়াদ জানাই। আল্লাহ আমাদের সহায় হৌন- আমীন!! (স.স.)।

তাওরাতের বিধান মতে সে আর বিবাহ করতে পারে না। ইঞ্জীলের বিধান মতে তাদের মধ্যে নিশ্চিতভাবে তালাক নিষিদ্ধ। কিন্তু আমাদের শরী'আত বান্দার কল্যাণ বিচারে পূর্ণাংগ ও স্থিতিশীল। ফলে ঐ স্বামীকে চতুর্থবারের সুযোগ দিয়েছে'। অর্থাৎ সে তার স্ত্রীকে তিন তালাক দিয়ে বিদায় করার পরে দ্বিতীয় স্বামী গ্রহণ করলেও সেই স্বামী কর্তৃক স্বেচ্ছায় তালাক প্রাপ্ত হ'লে পুনরায় পূর্ব স্বামী তাকে গ্রহণ করতে পারে'। নইলে কোন কৌশলের আশ্রয় নিলে দ্বিতীয় স্বামী 'ভাড়াটে ষাঁড়' হবে (ইবনু মাজাহ, সনদ হাসান)। তাদের ঐ বিয়ে বাতিল হবে এবং প্রথম স্বামীর জন্য তা হালাল হবে না।^৯

ইসলামের তালাক বিধানঃ

'তালাক' (الطلاق) অর্থঃ বন্ধনমুক্তি। যেমন বলা হয়ঃ 'বন্দী মুক্ত হয়েছে'। শারঈ পরিভাষায় তালাক অর্থঃ স্বামী-স্ত্রীর বিবাহ বন্ধন ছিন্ন করা। ইসলামে তালাককে অপসন্দ করা হয়েছে। যদিও বেদ্বীনী, অব্যাহতা, যেনাকারিতা প্রভৃতি চূড়ান্ত অবস্থায় এটাকে জায়েয রাখা হয়েছে এবং তালাকের মাধ্যমে বিবাহ বন্ধন ছিন্ন করার এখতিয়ার দেওয়া হয়েছে। দরসে বর্ণিত আয়াতের আলোকে এক্ষণে আমরা ইসলামের তালাক বিধান সম্পর্কে আলোকপাত করব।

ইসলামে তালাকের অধিকার সীমিত করা হয়েছে তিনবারের মধ্যে। প্রথম দু'বার 'রাজ'ঈ ও শেষটি 'বায়েন'। অর্থাৎ ইসলামে তালাকের বিধান রাখা হ'লেও স্বামীকে ভাববার ও সমঝোতার সুযোগ দেওয়া হয় স্ত্রীর তিন ঋতু বা তিন মাসকাল যাবত। এর মধ্যে স্বামী তার স্ত্রীকে ফিরিয়ে নিতে পারেন। যাকে 'রাজ'আত' বলা হয়। কিন্তু গভীর ভাবনা-চিন্তার পর ঠাণ্ডা মাথায় তৃতীয়বার তালাক দিলে তখন আর ফিরিয়ে নেওয়ার সুযোগ থাকে না।

তালাকের পদ্ধতিঃ

(১) স্ত্রীকে তার ঋতুমুক্তির পর পবিত্র অবস্থার শুরুতে মিলন ছাড়াই স্বামী প্রথমে এক তালাক দিবে। অতঃপর সহবাসহীন অবস্থায় তিন ঋতুর ইদত অতিক্রান্ত হওয়ার পূর্বে স্বামী স্ত্রীকে রাজ'আত করতে পারে। অর্থাৎ ফিরিয়ে নিতে পারে। কিন্তু ইদতকাল শেষ হওয়ার পরে ফেরত নিতে চাইলে তাকে উভয় পক্ষের সম্মতিক্রমে নতুন বিবাহের মাধ্যমে ফেরত নিতে হবে। ইদত কালে স্ত্রী স্বামীগৃহে অবস্থান করবে। অবস্থানকালে স্বামী স্ত্রীকে খোরপোষ দিবে। এটিই হ'ল তালাকের সর্বোত্তম পন্থা।

এইভাবে একটি তালাকের পর ইদত অতিক্রান্ত হ'লে স্ত্রী ইচ্ছা করলে দ্বিতীয় স্বামী গ্রহণ করতে পারে অথবা নতুন বিবাহের মাধ্যমে পূর্ব স্বামীর নিকটে ফিরে আসতে পারে।

৯. হালেখ বিন ফাওয়ান, মুলাখখাছুল ফিকুহী (দার ইবনুল জাওয়ী ৫ম মুদ্রণ ১৪১৭/১৯৯৬), পৃঃ ৩১৭-১৮।

তবে ইদত কাল শেষ হয়ে গেলে স্বামীর পক্ষ থেকে খোরপোষ বা অন্য কোন দায়-দায়িত্ব থাকে না।

(২) সহবাসহীন তোহরে প্রথম তালাক দিয়ে ইদতের মধ্যে পরবর্তী তোহরে ২য় তালাক দিবে এবং ইদতকাল গণনা করবে। অতঃপর পরবর্তী তোহরের শুরুতে তৃতীয় তালাক দিবে ও ঋতু আসা পর্যন্ত সর্বশেষ ইদত পালন করবে। তবে তৃতীয়বার তালাক উচ্চারণ করলে স্ত্রীকে আর ফেরৎ নেওয়া যাবে না। অতএব ২য় তোহরে ২য় তালাক দিয়ে ৩য় তোহরের শেষ পর্যন্ত অপেক্ষা করাই বুদ্ধিমানের কাজ। এখানেও পূর্বের ন্যায় যাবতীয় বিধান বহাল থাকবে (বাক্বারাহ ২২৯; তালাক ১)। ইসলামের সোনালী যুগে এই তালাকই চালু ছিল। যেমন আল্লাহ স্বীয় রাসূলকে সম্বোধন করে বলেন,

يَا أَيُّهَا النَّبِيُّ إِذَا طَلَقْتُمُ النِّسَاءَ فَطَلَّقُوهُنَّ لِعَدَّتِهِنَّ وَأَحْصُوا الْعِدَّةَ وَاتَّقُوا اللَّهَ رَبَّكُمْ لَا تَخْرُجُوهُنَّ مِنْ بُيُوتِهِنَّ وَلَا يَخْرُجْنَ إِلَّا أَنْ يَأْتِيَنَّ بِفَاحِشَةٍ مُبَيَّنَةٍ ۗ وَتِلْكَ حُدُودُ اللَّهِ ۗ وَمَنْ يَتَعَدَّ حُدُودَ اللَّهِ فَقَدْ ظَلَمَ نَفْسَهُ ۗ لَا تَدْرِي لَعَلَّ اللَّهَ يُحْدِثُ بَعْدَ ذَلِكَ أَمْرًا ۝

'হে নবী! যদি আপনি স্ত্রীদের তালাক দিতে চান, তাহ'লে তাদের ইদত অনুযায়ী তালাক দিন এবং ইদত গণনা করতে থাকুন। আপনি আপনার প্রভু সন্মুখে ইশিয়ার থাকুন। সাবধান তালাকের পর স্ত্রীদেরকে গৃহ হ'তে বিতাড়িত করবেন না, আর তারাও যেন স্বামীগৃহ ছেড়ে বহির্গত না হয়। অবশ্য তারা যদি খোলাখুলিভাবে ফাহেশা কাজে লিপ্ত হয়, তাহ'লে স্বতন্ত্র কথা। এগুলি আল্লাহকৃত সীমারেখা। যে ব্যক্তি উক্ত সীমারেখা লঙ্ঘন করে, সে নিজের উপরে যুলম করে। কেননা সে একথা অবগত নয় যে, তালাকের পরেও আল্লাহ কোন (সমঝোতার) পথ বের করে দিতে পারেন' (তালাক ১)।

উক্ত আয়াতের তাৎপর্য এই যে, তালাক হ'ল মূলতঃ ইদতের তালাক, আকস্মিক বা যুগপৎ তালাক নয়। স্বামী-স্ত্রীকে অবশ্যই নির্ধারিত ইদত গণনা করতে হবে। এজন্য কমপক্ষে তিন ঋতুমুক্তির তিন মাস স্বামী অবকাশ পাবেন যে, তিনি স্ত্রীকে নিয়ে ঘর করতে পারবেন কি-না। এছাড়াও স্ত্রীকে স্বামীগৃহেই অবস্থান করতে হবে। এর দ্বারা উভয়কে পুনর্মিলনের প্রতি উদ্বুদ্ধ করা হয়েছে। আল্লাহ বলেন, এগুলি হ'ল আল্লাহকৃত 'হুদূদ' বা সীমারেখা, যা অতিক্রম করা নিষিদ্ধ।

এক্ষণে প্রশ্ন হ'লঃ এক মজলিসে একত্রিতভাবে তিন তালাক বায়েন দিলে উক্ত সীমারেখা পালন করা যায় কি? সেখানে প্রথম তালাকের ইদতকাল এক ঋতু শেষে ২য় তালাক। অতঃপর ২য় তালাকের ইদতকাল ২য় ঋতু শেষে ৩য় তালাক- এভাবে হিসাব করে বিরতিসহ ইদত গণনার কোন সুযোগ থাকে কি? যদি না থাকে, তাহ'লে সেটা কোন

তার আর কিছুই বলার থাকে না। নিজ হাতে সাজানো সংসারের মায়্যা তাকে পাগলিনী করে ফেলে। উভয়ের এই নাযুক মানসিক অবস্থার প্রেক্ষিতে তারা স্বামী-স্ত্রী পুনর্মিলনের জন্য যেকোন কাজ করতে রাষী হ'য়ে যায়। আর এসময়েই 'তাহলীল'-এর নোংরা পদ্ধতি পেশ করা হয় ধর্মের নামে। যা তারা ইচ্ছার বিরুদ্ধে কবুল করে নেয়।

কিন্তু প্রশ্ন হ'লঃ এটা কি ধর্মের বিধান? জবাবঃ এটা কখনোই ইসলামের বিধান নয়। ইসলামে নিঃসন্দেহে সর্বকালের সুন্দরতম পদ্ধতি রয়েছে। যেটা তালাকের শারঈ পদ্ধতি হিসাবে কুরআন ও হাদীছে বর্ণিত হয়েছে। যেখানে তাকে কমপক্ষে তিন মাস ভাববার অবকাশ দেওয়া হয়েছে। যাতে ইদ্দতের মধ্যেই উভয়ের মধ্যে একটা সমঝোতার পথ বেরিয়ে যায়। এছাড়াও উভয় পরিবারের বা পরিবারের বাইরের এক এক জন প্রতিনিধি নিয়ে সমঝোতা বৈঠক করার নির্দেশও সূরা নিসা ৩৫ আয়াতে দেওয়া হয়েছে। যেমন আল্লাহ বলেন, **وَإِنْ خِفْتُمْ شِقَاقَ بَيْنِهِمَا فَأَبْغُتُوا حَكْمًا مِّنْ أَهْلِهَا** **إِنْ يَرِيدَا إِصْلَاحًا يُوَفِّقِ اللَّهُ بَيْنَهُمَا إِنَّ اللَّهَ كَانَ** **عَلِيمًا خَبِيرًا** 'আর যদি তোমরা স্বামী-স্ত্রীর মধ্যে সম্পর্ক

ছিন্ন হবার আশংকা কর, তাহ'লে স্বামীর পরিবার থেকে একজন ও স্ত্রীর পরিবার থেকে একজন শালিশ প্রেরণ কর। যদি তারা উভয়ে মীমাংসা কামনা করে, তাহ'লে আল্লাহ তাদেরকে সহায়তা করবেন। নিশ্চয়ই আল্লাহ সর্বজ্ঞ ও সবকিছু অবহিত' (নিসা ৩৫)। বস্তুতঃ উভয় পক্ষের দূরদর্শী ও আল্লাহভীরু অভিভাবক গণ অথবা কোন শক্তিশালী নিরপেক্ষ সংস্থা এবং সর্বোপরি রাষ্ট্রীয় সংস্থার পক্ষে সরকার এই দায়িত্ব পালন করবেন। কেননা রাসূলুল্লাহ (ছাঃ) এরশাদ করেন, **وَإِنْ اشْتَجَرُوا فَالْسلطان ولى من لا** **يأمر بها** 'যদি তারা আপোষে ঝগড়া করে, তাহ'লে শাসনকর্তা অভিভাবক হবেন ঐ ব্যক্তির জন্য, যার কোন অভিভাবক নেই'।^{১০}

তালাকের উক্ত শারঈ পন্থা অবলম্বন করলে স্বামী-স্ত্রীকে এভাবে চোরাপথ তালাশ করতে হ'ত না। এক বা দুই তালাক দিয়ে রেখে দিলে ইদ্দতের মধ্যে ফিরিয়ে নিয়ে বা ইদ্দত চলে গেলে নতুন বিবাহের মাধ্যমে তারা পুনরায় মিলিত হ'তে পারত। বস্তুতঃ ইসলামের দেওয়া এই বিধানই কেবল যুক্তি সম্মত ও ভদ্রোচিত পন্থা। এক্ষেত্রে প্রশ্ন হল, যদি কেউ শারঈ পন্থা বাদ দিয়ে বিদ'আতী পন্থায় এক মজলিসে তিন তালাক একত্রিতভাবে বা একই তুহরে তিন তালাক পৃথক পৃথক ভাবে দিয়ে দেয়, তাহ'লে তার স্ত্রী চিরতরে তালাক হবে কি-না।

ইরওয়া হা/১৮৪০, ৬/২৪৩।

একত্রিত তিন তালাক

কুরআনী নীতি অনুযায়ী তিন তুহরে তিন তালাক না দিয়ে যদি কেউ অন্যায়ভাবে একই সাথে তিন তালাক দেয়, তবে সে তালাক বর্তাবে কি-না, এ বিষয়ে বিদ্বানগণের মতভেদকে চারভাগে বিভক্ত করা যায়। একদল বিদ্বান বলেন, এর দ্বারা কিছুই বর্তাবে না। ২য় দল বলেন, তিন তালাক পতিত হবে। কিন্তু ঐ ব্যক্তি গোনাহগার হবে। ৩য় দল বলেন, সহবাসকৃত নারীর উপরে তিন তালাক বর্তাবে ও সহবাসহীন নারীর উপরে এক তালাক বর্তাবে। ৪র্থ দল বলেন, এক তালাক রাজ'ঈ হবে। নিম্নে চার দলের বক্তব্য সমূহ সংক্ষেপে আলোচিত হ'ল।-

১ম দলের দলীল সমূহঃ তাঁদের মূল দলীল (ক) সূরায় বাক্বারাহ ২২৮-২৯ ও সূরায় তালাক ১ম ও ২য় আয়াত। অতঃপর (খ) হাদীছের দলীল হ'ল-

عَنْ ابْنِ عُمَرَ أَنَّهُ طَلَّقَ امْرَأَتَهُ وَهِيَ حَائِضٌ فِي **عَهْدِ رَسُولِ اللَّهِ صَلَّى اللَّهُ عَلَيْهِ وَسَلَّمَ فَسَأَلَ عُمَرُ** **رَسُولَ اللَّهِ صَلَّى اللَّهُ عَلَيْهِ وَسَلَّمَ عَنْ ذَلِكَ، فَقَالَ:** **مَرَّةً فَلْيُرَاجِعْهَا، ثُمَّ لِيُمْسِكْهَا حَتَّى تَطْهَرُ، ثُمَّ** **تَحْيِضُ ثُمَّ تَطْهَرُ ثُمَّ إِنْ شَاءَ أَمْسَكَ بَعْدَ وَ إِنْ شَاءَ** **طَلَّقَ قَبْلَ أَنْ يَمْسَ، فَتِلْكَ الْعِدَّةُ الَّتِي أَمَرَ اللَّهُ أَنْ** **تُطَلَّقَ لَهَا النِّسَاءُ، مُتَّفَقٌ عَلَيْهِ -**

و فِي رِوَايَةِ لِلْبَخَارِيِّ: وَ حُسِبَتْ تَطْلِيقُهُ، وَ فِي **رِوَايَةِ لِسَلْمٍ: قَالَ عَبْدُ اللَّهِ بْنُ عُمَرَ: فَرَدَّهَا عَلَيَّ وَ** **لَمْ يَرَهَا شَيْئًا، وَقَالَ: إِذَا طَهَرَتْ فَلْيُطَلِّقْ أَوْ** **لِيُمْسِكْ -**

'আবদুল্লাহ ইবনে ওমর (রাঃ) হ'তে বর্ণিত হয়েছে যে, তিনি রাসূলুল্লাহ (ছাঃ)-এর যামানায় স্বীয় স্ত্রীকে ঋতুকালীন সময়ে তালাক দেন। তখন ওমর (রাঃ) উক্ত বিষয়ে রাসূলুল্লাহ (ছাঃ)-কে জিজ্ঞেস করেন। তিনি ওমর (রাঃ)-কে বলেন, আপনি আবদুল্লাহকে বলুন যেন সে তার স্ত্রীকে ফিরিয়ে নেয় ও ঘরে রাখে পরবর্তী তুহর পর্যন্ত। অতঃপর সে পুনরায় ঋতুবতী হবে ও ঋতুমুক্ত হবে। তখন ইচ্ছা করলে সে তাকে রেখে দিবে অথবা সহবাসের পূর্বেই তালাক দিবে। এটাই হ'ল ইদ্দত তালাক প্রাপ্তা নারীদের জন্য, যা আল্লাহ নির্ধারণ করেছেন' (বুখারী ও মুসলিম)। বুখারীর অপর বর্ণনায় এসেছে 'ঋতুকালীন অবস্থার উক্ত তালাককে এক তালাক গণ্য করা হয়'। মুসলিম -এর অন্য

১০. হুইহ আবুদাউদ হা/১৮৩৫; তিরমিযী, ইবনু মাজাহ প্রভৃতি;

১. তাফহীমুল কুরআন বঙ্গানুবাদ ১৭/২০৭-৮।

অতএব সাধারণ অবস্থার তালাকের সঙ্গে লে'আনকে তুলনা করা চলে না। এই সময় তিন তালাক বলাটা বাহুল্য কথা মাত্র। তাছাড়া বুখারীর বর্ণনায় এসেছে 'রাসূলুল্লাহ (ছাঃ)-এর নির্দেশের আগেই সে তিন তালাক দেয়'। অতএব এর কোন কার্যকারিতা নেই।

(৩) আয়েশা (রাঃ) বর্ণনা করেন যে, রিফা'আহ তার স্ত্রীকে তিন তালাক দেন। অতঃপর স্ত্রী অন্যত্র বিবাহ করে। কিন্তু সেখানেও তালাক প্রাপ্ত হয়। তখন ঐ মহিলা তার পূর্ব স্বামীর সাথে পুনরায় বিবাহিত হ'তে পারবে কি-না, এ বিষয়ে রাসূলুল্লাহ (ছাঃ)-কে জিজ্ঞেস করা হ'লে তিনি বলেন, 'যতক্ষণ না সে দ্বিতীয় স্বামীর সাথে সহবাস করবে'।^{২২}

জবাবঃ উক্ত হাদীছে এক মজলিসে তিন তালাকের কথা নেই। বরং সে তাকে স্বাভাবিক নিয়মে তিন তুহরে তিন তালাক দিয়েছিল বলেই বুঝতে হবে। কেননা রাসূলের যামানায় 'বায়েন তালাক' বলতে তিন তুহরে তিন তালাকই বুঝাতো।

(৪) আবু হাফ্ছ ইবনুল মুগীরাহ আল-মাখযুমী তার স্ত্রী ফাতেমা বিনতে ক্বায়েসকে তিন তালাক দিয়ে খালিদ ইবনু ওয়ালীদ (রাঃ)-এর সাথে ইয়ামন চলে যান। তখন উক্ত স্ত্রী রাসূলুল্লাহ (ছাঃ)-এর নিকটে এসে জিজ্ঞেস করলেন ইন্দত পালনকালে তার খোরপোষ সম্পর্কে। রাসূলুল্লাহ (ছাঃ) বললেন, এই সময়ে তার জন্য কোন খোরপোষ নেই। তবে যদি তুমি গর্ভবতী হও' (অর্থাৎ সন্তান প্রসব হওয়া পর্যন্ত তুমি খোরপোষ পাবে)।^{২৩}

জবাবঃ অত্র হাদীছে এক মজলিসে তিন তালাকের কোন কথা নেই। বরং অন্য বর্ণনায় 'আলবাওয়াতা' শব্দ এসেছে। যা দ্বারা বায়েন তালাক বুঝানো হয়। আর তিন তালাক বায়েন প্রাপ্ত স্ত্রীর জন্য স্বামীর পক্ষ হ'তে কোন খোরপোষের দায়িত্ব নেই। (খ) মুসলিম-এর বর্ণনায় (হা/১৪৮০) পরিষ্কার এসেছে 'أَخْرَجَ ثَلَاثَ تَطْلِيقَاتٍ' শেষ তৃতীয় তালাক' বলে। অতএব এটি যে তিন মাসে তিন তালাক ছিল, তাতে কোন সন্দেহ নেই'।^{২৪}

(৫) 'উবাদাহ বিন ছামিত (রাঃ) বলেন, আমার দাদা তার স্ত্রীকে একসঙ্গে ১০০০ তালাক দেন। তখন আমার আব্বা রাসূল (ছাঃ)-এর দরবারে গেলেন। রাসূল (ছাঃ) তাকে বললেন, তোমার দাদা তালাক দেওয়ার সময় আল্লাহকে ভয় করেনি। তার অধিকারে মাত্র তিনটি। বাকী ৯৯৭ টি বাড়াবাড়ি ও যুলম হয়েছে। আল্লাহ চাইলে তাকে আযাব দিবেন, চাইলে ক্ষমা করবেন'।^{২৫}

জবাবঃ হাদীছটি যঈফ ও মওযু'।^{২৬}

২২. বুখারী ও মুসলিম, মিশকাত হা/৩২৯৫।

২৩. মুসলিম, মিশকাত হা/৩৩২৪।

২৪. যাদুল মা'আদ ৫/২৪০।

২৫. আব্বারাবী, মুছান্নাফ আব্দুর রায়যাক, মুছান্নাফ ইবনু আবী শায়বাহ।

২৬. সিলসিলা যঈফা হা/১২১১।

(৬) আব্দুল্লাহ বিন ওমর (রাঃ) তাঁর স্ত্রীকে ঋতু অবস্থায় তালাক দেন। অতঃপর বাকী দুই ঋতুর সময় বাকী দুই তালাক দিতে উদ্যত হন। এখবর রাসূল (ছাঃ) এর কানে গেলে তিনি বলেন, হে আব্দুল্লাহ! এভাবে আল্লাহ তোমাকে নির্দেশ দেননি। নিশ্চয়ই তুমি নিয়মে ভুল করেছ (অর্থাৎ স্ত্রীকে পবিত্র অবস্থায় তালাক দিতে হবে)।তখন ইবনে ওমর বললেন, হে রাসূল (ছাঃ) যদি আমি তিন তালাক দিতাম, তা'হলে কি স্ত্রীকে ফিরিয়ে নিতে পারতাম? রাসূল (ছাঃ) বললেন, না। সে পৃথক হয়ে যেত এবং তোমার গোনাহ হ'ত' (দারাকুতনী)।

জবাবঃ হাদীছটি 'মুনকার'। ছহীহ হাদীছ সমূহে এর বিপরীত বর্ণিত হয়েছে।^{২৭}

(৭) আনাস (রাঃ) থেকে বর্ণিত, রাসূল (ছাঃ) বলেন, যে ব্যক্তি বিদ'আতী পন্থায় তালাক দিবে, আমরা তার বিদ'আতকে তার উপর অপরিহার্য করে দেব'।

জবাবঃ হাদীছটি 'মুনকার'।^{২৮}

(৮) ওমর (রাঃ) স্বীয় খেলাফতকালে বলেন, লোকেরা তালাকের ব্যাপারে খুব জলদী করছে। অথচ সে কাজে তাদের অবকাশ দেওয়া হয়েছিল। এক্ষণে যদি কেউ এরূপ জলদী করে, তবে আমরা তার উপরে সেটা জরি করে দেব'।^{২৯}

জবাবঃ এটি ছিল ওমর (রাঃ)-এর ইজতেহাদ মাত্র। তা দ্বারা রাজ'ঈ তালাক-এর কুরআনী পদ্ধতিকে বাতিল করা যায় না। ওমর (রাঃ) এটি করেছিলেন লোকদের ভয় দেখাবার জন্য সাময়িক কঠোরতা হিসাবে। কিন্তু এতে তার উদ্দেশ্য মোটেই হাছিল হয়নি বিধায় মৃত্যুর পূর্বে তিনি লজ্জিত হয়ে দুঃখ প্রকাশ করেছিলেন।^{৩০}

খুলাফায়ে রাশেদীনের ইজতিহাদ পর্যালোচনাঃ

অনুরূপভাবে আরও ইজতিহাদী ঘটনাসমূহ রয়েছে। যেমন মদ্য পানকারীকে তিনি ৮০ বেত মারেন। তার মাথা মুগুন করেন ও দেশছাড়া করেন। অথচ রাসূলুল্লাহ (ছাঃ) শ্রেফ ৪০ বেত মেরেছিলেন।^{৩১} আবুবকর (রাঃ) জনৈক পান্থকামীকে এবং আলী (রাঃ) তাঁকে 'আল্লাহর অবতার' দাবীকারী এক দল যিন্দীকুকে জীবন্ত পুড়িয়ে মেরেছিলেন। অথচ আল্লাহর রাসূল (ছাঃ) কোন প্রাণীকে আগুনে পুড়িয়ে মারতে নিষেধ করেছেন। ছাহাবায়ে কেলাম গর্ভাবস্থা দেখেই যেনার শান্তি এবং মদের গন্ধ পেয়েই মদ্যপানের শাস্তি দিয়েছিলেন- সাক্ষীর অপেক্ষা করেননি।^{৩২}

মদীনার বাজারে লোক সমাগম বৃদ্ধি পাওয়ায় ওছমান গণী (রাঃ) জুম'আর খুৎবার সময় মূল আযানের পূর্বে 'যাওরা' বাজারে আরেকটি আযানের প্রচলন করলেন (বুখারী, মিশকাত হা/১৪০৪)। এমনভাবে খিলাফতে রাশিদাহর যুগে সময় ও

২৭. মুহাল্লা ৯/৩৯২ টীকা; দারাকুতনী, ইরওয়া হা/২০৫৪, ৭/১১৯।

২৮. মুহাল্লা ৯/৩৯২ টীকা।

২৯. মুসলিম হা/১৪৭২।

৩০. ইবনুল ক্বাইয়িম, ইগাথাতুল লাহফান ১/২৭৬।

৩১. আওনুল মা'বুদ হা/২১৭১-এর ভাষ্য; ৬/২৪২।

৩২. আহলেহাদীছ আন্দোলন (ডক্টরেট থিসিস) পৃঃ ১৯০।

দিতাম ! অতঃপর তিনি এটা তাদের উপরে জারি করে দিলেন।^{৫০}

এ হাদীছে স্পষ্টভাবে এসেছে যে, একত্রিত তিন তালাক এক তালাক বলে গণ্য হ'ত রাসূল (ছাঃ)-এর যামানার থেকেই। উক্ত সরল বিধান-এর অপব্যবহার দেখে ওমর ফারুক (রাঃ) কঠোরতা অবলম্বন করার মনস্থ করেন ও সে মতে আইন জারি করেন। রাষ্ট্রনেতা হিসাবে সামাজিক শৃংখলা ও স্থিতিশীলতা বজায় রাখার জন্য তিনি সাময়িক ভাবে কঠোর ব্যবস্থা অবলম্বন করেছিলেন। তিনি এর দ্বারা আল্লাহর বিধানকে পরিবর্তন করেননি। বরং তালাক-এর বাড়াবাড়ি বন্ধ করতে চেয়েছিলেন।

২য়তঃ এটিকে ইজমা হিসাবে গণ্য করা যাবে না। কেননা কুরআনী নির্দেশ ও সুন্নাহের স্পষ্ট প্রমাণাদি ও ছাহাবীদের সম্মিলিত আমল মওজুদ থাকতে তার বিরুদ্ধে ইজমা অনুষ্ঠিত হওয়ার প্রশ্নই ওঠে না। দাবী করলেও তা গ্রাহ্য হবে না।

(২) আবু হু ছাহাবা একদা ইবনু আব্বাস (রাঃ)-কে প্রশ্ন করেন, **أَتَعْلَمُ أَنَّمَا كَانَتِ الثَّلَاثُ تُجْعَلُ وَاحِدَةً عَلَيَّ** **عَهْدِ النَّبِيِّ صَلَّى اللَّهُ عَلَيْهِ وَسَلَّمَ وَأَبِي بَكْرٍ وَثَلَاثًا مِنْ إِمَارَةِ عُمَرَ فَقَالَ ابْنُ عَبَّاسٍ: نَعَمْ** 'আপনি কি জানেন যে, রাসূলুল্লাহ (ছাঃ), আবু বকর (রাঃ) ও ওমর (রাঃ)-এর খেলাফতের প্রথম দিকে তিন বছর একত্রিত তিন তালাককে এক তালাক গণ্য করা হ'ত? তিনি বললেন, হাঁ।^{৫১}

(৩) মাহমূদ বিন লাবীদ বর্ণিত হাদীছ,

قَالَ: أَخْبِرَ رَسُولُ اللَّهِ صَلَّى اللَّهُ عَلَيْهِ وَسَلَّمَ عَنْ رَجُلٍ طَلَّقَ امْرَأَتَهُ ثَلَاثَ تَطْلِيقَاتٍ جَمِيعًا، فَقَامَ غَضْبَانَ ثُمَّ قَالَ: أَيْلَعِبُ بَكْتَابِ اللَّهِ عَزَّ وَجَلَّ وَأَنَا بَيْنَ أَظْهُرِكُمْ؟ حَتَّى قَامَ رَجُلٌ فَقَالَ: يَا رَسُولَ اللَّهِ أَلَا أَقْتُلُهُ؟ رَوَاهُ النَّسَائِيُّ -

'তিনি বলেন, রাসূলুল্লাহ (ছাঃ)-কে জনৈক ব্যক্তি সম্পর্কে খবর দেওয়া হ'ল, যে তার স্ত্রীকে একত্রে তিন তালাক দিয়েছে। একথা শুনে রাসূলুল্লাহ (ছাঃ) ভীষণ ক্রুদ্ধ হয়ে দাঁড়িয়ে যান এবং বলেন, আল্লাহর কিতাব নিয়ে খেলা করা হবে? অথচ আমি তোমাদের মাঝে বেঁচে আছি। একজন দাঁড়িয়ে বলল, হে রাসূল! আমি কি ওকে কতল করে দেব না?'^{৫২}

কনিষ্ট ছাহাবী মাহমূদ বিন লাবীদ-এর উক্ত রেওয়ায়াকে অনেকে 'মুরসাল' বলতে চেয়েছেন। কিন্তু ইমাম আহমাদ বিন হাম্বল (রহঃ) দৃঢ়তার সাথে বলেন যে, মাখরামাহ তার পিতা হ'তে শোনেন নি। তবে তিনি তার পিতার লিখিত কিতাব হ'তে বর্ণনা করেছেন। ইবনু মুঈনও অনুরূপ কথা বলেছেন। তাঁর থেকে ইমাম মুসলিম স্বীয় ছহীহ-তে কয়েকটি হাদীছ বর্ণনা করেছেন। অতএব অত্র হাদীছ 'মুরসাল' নয়; বরং 'মুত্তাছিল'। হাফেয ইবনু হাজার আসক্বালানী স্বীয় 'বুলুগুল মারামে' অত্র হাদীছকে 'ছহীহ' বলেছেন। তিনি বলেন যে, এর বর্ণনাকারীগণ বিশ্বস্ত।^{৫৩}

এক্ষেত্রে ঐ ব্যক্তি তালাকের শব্দ সংখ্যা ও পদ্ধতি নিয়ে খেলা করেছে। আল্লাহর ইচ্ছার বিরুদ্ধে সে নিজের ইচ্ছা প্রয়োগ করেছে। কেননা রাজ'ঈ তালাক হিসাবে এক বা দুই তালাক দেওয়াই হল আল্লাহ প্রদত্ত অহি-র বিধান। অথচ সে তা বাদ দিয়ে উক্ত বিধান নিয়ে খেল-তামাশা করেছে।

(৪) কুরআনী আয়াত **الطَّلَاقُ مَرَّتَانٍ** 'তালাক দু'বার' কথাটিই একত্রিত তিন তালাকের সরাসরি বিরোধী। কেননা এর অর্থ একটির পরে একটি। শুধু মৌখিক শব্দে নয়; বরং পদ্ধতি ও প্রকৃতিতে। কেননা 'মারীতা-ন' অর্থ দু'বার। দু'বার অর্থ একবারের পরে দ্বিতীয় বার। অর্থাৎ সহবাসহীন পবিত্র অবস্থার শুরুতে প্রথম তালাক দিবে। অতঃপর একই ভাবে দ্বিতীয়বার পবিত্র হওয়ার শুরুতে দ্বিতীয় তালাক দিবে। এ দুই তালাক রাজ'ঈ হবে। অর্থাৎ ইন্দ্রতকাল মধ্যে তাকে বিনা বিবাহে এবং ইন্দ্রতকাল শেষ হয়ে গেলে নতুন বিবাহের মাধ্যমে ফেরত নিতে পারবে। আয়াতের নির্গলিতার্থ এটাই। এর অর্থ কখনোই এটা নয় যে, একত্রে দুই তালাক বললেই দুই তালাক হয়ে গেল। যেমন

ثُمَّ ارْجِعِ الْبَصَرَ كَرَّتَيْنِ 'অতঃপর তুমি তোমার দৃষ্টিকে ফিরাও দ্বিতীয়বার'... (মূলক ৪)। এর অর্থ প্রধান-বারের পর দ্বিতীয়বার। অমনিভাবে হাদীছে এসেছে, **إِذَا صَلَّتْ حَمْسَهَا** 'যখন কোন

মহিলা তার উপরে ফরযকৃত পাঁচ ছালাত আদায় করবে'...।^{৫৪} এর অর্থ পাঁচ ওয়াক্তে পাঁচ বার সুন্নাতী তরীকায় ছালাত আদায় করা। ছালাত ছালাত ছালাত পাঁচবার একত্রে বলা হয়।

(৫) ইবনু আব্বাস (রাঃ) বলেন,

طَلَّقَ عَبْدُ يَزِيدَ أَبُو رُكَانَةَ أُمَّ رُكَانَةَ، فَقَالَ لَهُ رَسُولُ اللَّهِ صَلَّى اللَّهُ عَلَيْهِ وَسَلَّمَ: رَاجِعِ امْرَأَتَكَ أُمَّ رُكَانَةَ وَإِخْوَتَهُ فَقَالَ: إِنِّي طَلَّقْتُهَا ثَلَاثًا يَا

৫০. মুসলিম হা/১৪৭২; ফিকহুস সুন্নাহ ২/২৯৯।

৫১. মুসলিম হা/১৪৭৩।

৫২. নাসাঈ হা/৩৪৩০; মিশকাত হা/৩২৯২।

৫৩. মুহাম্মা ৯/৩৮৮ টীকা, মাসআলা ১৯৪৫; যাদুল মা'আদ ৫/২২০-২১।

৫৪. মিশকাত হা/৩২৫৪।

তাকবীর-তুল ইদায়েন

-মুহাম্মাদ আসাদুল্লাহ আল-গালিব*

[আত-তাহরীকের কুমিল্লার মুরাদনগর খানার কতিপয় পাঠক ছহীহ হাদীছের উপর আমল করতঃ ১২ তাকবীরে ইদের ছালাত আদায় করলে তাদের উপর স্থানীয় পীর ছাহেবদের পক্ষ থেকে কঠিন প্রতিরোধ নেমে আসে। ফলে পাঠক ভাইদের আবেদনের প্রেক্ষিতে প্রবন্ধটি পুনরায় পত্রস্থ করা হ'ল। উল্লেখ্য যে, অত্র প্রবন্ধটি ইতিপূর্বে 'তাকবীরের সমস্যা' শিরোনামে জানুয়ারী '৯৯ সংখ্যায় প্রকাশিত হয়েছিল। -সম্পাদক]

বারো তাকবীরঃ

ইদায়নের তাকবীর সংখ্যা প্রথম রাক'আতে সাত ও দ্বিতীয় রাক'আতে পাঁচ মোট বারো। হাফেয ইবনু আবদিল বার ব বলেন, শক্তিশালী বা দুর্বল কোন সনদে এর বিপরীত কিছু রাসূলুল্লাহ (ছাঃ) হ'তে বর্ণিত হয়নি এবং এর উপরেই প্রথম যুগের আমল প্রচলিত ছিল।^১ ১২ তাকবীরের পক্ষে রাসূলুল্লাহ (ছাঃ) হ'তে বর্ণিত আবুদাউদ শরীফে ছহীহ ও হাসান সনদে ৪টি (হাদীছ সংখ্যা ১১৪৯-৫২; এ ছহীহ আবুদাউদ হা/১০১৮-৩১), ইবনু মাজাহ শরীফে ৩টি (হা/১২৭৮-৮০) তিরমিযী শরীফে ১টি (হা/৫৪২, এ, ছহীহ তিরমিযী হা/৪৪২) মোট ৮টি হাদীছ বর্ণিত হয়েছে। আমরা বিন আওফ আল-মুযানী (রাঃ) বর্ণিত তিরমিযী শরীফের হাদীছটি নিম্নরূপঃ^২

أَنَّ النَّبِيَّ صَلَّى اللَّهُ عَلَيْهِ وَسَلَّمَ كَبَّرَ فِي الْعِيدَيْنِ فِي الْأُولَى سَبْعًا قَبْلَ الْقِرَاءَةِ وَفِي الْآخِرَةِ خَمْسًا قَبْلَ الْقِرَاءَةِ -

হাদীছটি উল্লেখ করে ইমাম তিরমিযী বলেন,

حديث حسن وهو أحسن شيء روى في هذا الباب عن النبي (ص) وفي الباب عن عائشة وابن عمر وعبد الله بن عمرو

অর্থাৎ হাদীছটি 'হাসান' এবং এটিই অত্র বিষয়ে রাসূলুল্লাহ (ছাঃ) হ'তে বর্ণিত সর্বাপেক্ষা সুন্দর হাদীছ। অত্র বিষয়ে হযরত আয়েশা, আব্দুল্লাহ বিন ওমর ও আব্দুল্লাহ বিন আমরা (রাঃ) থেকেও বর্ণনা রয়েছে। তিনি বলেন যে, 'আমি ইমাম বুখারীকে অত্র বিষয়ে জিজ্ঞেস করলে তিনি বলেন, ليس في هذا الباب شيء أصح من هذا وبه أقول অর্থাৎ 'এ বিষয়ে এই হাদীছের চাইতে ছহীহ কোন হাদীছ নেই এবং আমিও একথা বলি' (বায়হাকী ৩/২৮৬)। ইমাম আহমাদ ও আলী ইবনুল মাদীনীও হাদীছটিকে ছহীহ

* প্রফেসর ও চেয়ারম্যান, আরবী বিভাগ, রাজশাহী বিশ্ববিদ্যালয়, রাজশাহী।
১. ফিক্‌হুস সুন্নাহ (কায়রোঃ দারুল ফাৎহ, ৫ম সংস্করণ ১৪১২/১৯৯২) ১ম খণ্ড, পৃঃ ২৩৯।
২. তিরমিযী (দিব্লীঃ মুজতাবারী প্রেস ১৩০৮ হিঃ) ১ম খণ্ড পৃঃ ৭০; ইবনু মাজাহ হা/১২৭৯; মিশকাত-আলবানী, হা/১৪৪১।

বলেছেন' (তালখীছ-এর বরাতে তুহফাতুল আহওয়ামী, উক্ত হাদীছের টীকা দ্রষ্টব্য)। তিরমিযীর ভাষ্যকার আব্দুর রহমান মুবারকপুরী বলেন, এর চাইতে বরং আব্দুল্লাহ বিন আমরা (রাঃ) বর্ণিত ১২ তাকবীরের হাদীছটি অধিকতর ছহীহ, যা আবুদাউদে (হা/১১৫১-৫২) বর্ণিত হয়েছে (তুহফা হা/৫০৪-এর টীকা)। আয়েশা (রাঃ) থেকে আবুদাউদে ছহীহ সূত্রে আরও পরিষ্কারভাবে বর্ণিত হয়েছে।^৩

মদীনা বিশ্ববিদ্যালয় হ'তে ফারোগ জৈনেক আলেম ও মাওলানা আব্দুল্লাহ ইবনে ফযল (রহঃ) স্বীয় ছহীহ নামায শিক্ষা ২য় খণ্ডে ১২ তাকবীরের পক্ষে ১৩টি হাদীছ এত্বে বর্ণিত যথাক্রমে ২১টি ও ২২টি হাদীছ পেশ করেছেন। বরং সঠিক সংখ্যা তার চাইতে বেশী। বুখারী, মুসলিম ও নাসাঈ শরীফে ইদায়নের তাকবীর সম্পর্কে কোন হাদীছ বর্ণিত হয়নি। তবে মুওয়াত্তা ইমাম মালেক, আহমাদ, বায়হাকী, ত্বাবারাগী, দারাকুতনী, হাকেম, দারেমী, মুসনাদে বায্বার, মুহান্নাফে ইবনে আবী শায়বাহ, মুসনাদে আব্দুর রায্বাক, ত্বাহাজী, ইবনু 'আদী, ফিরিয়াবী প্রভৃতি হাদীছ গ্রন্থ সমূহে ১২ তাকবীরের পক্ষে বেশ কিছু 'ছহীহ' ও 'হাসান' এবং অনেকগুলি 'যঈফ' হাদীছ বর্ণিত হয়েছে, যেগুলি 'শাওয়াহেদ' হিসাবে পরস্পরকে শক্তিশালী করে।

১২ তাকবীরের উপরে চার খলীফাসহ অধিকাংশ ছাহাবী, তাবেঈ, মদীনাবাসী বিশেষ করে মদীনার শ্রেষ্ঠ সাতজন তাবেঈ ফক্বীহ, খলীফা ওমর বিন আব্দুল আযীয, ইবনে শিহাব যুহরী, মাকহূল, ইমাম মালেক, শাফেঈ, আহমাদ, ইসহাক, আওয়াঈ সহ প্রায় সকল সালাফে ছালেহীনের আমল বর্ণিত হয়েছে। মক্কা-মদীনার আলেমগণ এবং ইমাম আবু হানীফা (রহঃ)-এর দুই প্রধান শিষ্য ইমাম আবু ইউসুফ ও ইমাম মুহাম্মাদ (রহঃ) ১২ তাকবীরের উপরে আমল করতেন। দেওবন্দের খ্যাতনামা হানাফী আলেম আনোয়ার শাহ কাশ্মীরী তিরমিযীর ভাষ্যগ্রন্থে বলেন,

وإما ثنتا عشرة تكبيرة فجازئ عندنا، عرف
১১ অর্থাৎ 'বারো তাকবীর আমাদের নিকটে জায়েয আছে'।^৪

ছয় তাকবীরঃ

ছয় তাকবীরের পক্ষে রাসূলুল্লাহ (ছাঃ) হ'তে 'ছহীহ' বা 'যঈফ' সনদে কোন মারফু হাদীছ বর্ণিত হয়নি। তবে কয়েকজন ছাহাবীর আমল বা 'আছার' বর্ণিত হয়েছে। কিন্তু সেখানে স্পষ্টভাবে ছয় তাকবীরের কথা নেই। যেমন (১) ছাহাবী আবু মুসা আরাবী ও হোযায়ফা (রাঃ)-এর আছার, যা আবুদাউদে ছহীহ সূত্রে বর্ণিত হয়েছে (হা/১১৫৩; এ, ছহীহ-আলবানী হা/১০২২)। উক্ত হাদীছে 'জানযার ন্যায় চার তাকবীর' বলা হয়েছে। ব্যাখ্যায় বলা হয়ে থাকে যে, উক্ত চার তাকবীরের মধ্যে একটি হ'ল তাকবীরে

৩. আবুদাউদ, 'ইদায়নের তাকবীর' অধ্যায় হা/১১৪৯-৫০।
৪. মির'আত শরহে মিশকাত ২/৩৪০-৪১ পৃঃ।

এক নযরে হজ্জ

-মুহাম্মাদ সাঈদুর রহমান*

(১) মীকাত থেকে ইহরাম বেঁধে সরবে 'তালবিয়াহ' পড়তে পড়তে কা'বা গৃহে পৌছবেন (২) 'হাজারে আসওয়াদ' হ'তে ত্বাওয়াফ শুরু করে সেখানেই সাত ত্বাওয়াফ সমাপ্ত করবেন এবং 'রুক্‌নে ইয়ামানী' ও 'হাজারে আসওয়াদ'-এর মধ্যে 'রক্বানা আ-তিনা.....' পড়বেন (৩) ত্বাওয়াফ শেষে মাঝামাঝি ইবরাহীমের পিছনে অথবা হারামের যে কোন দু'রাক'আত ছালাত আদায় করবেন। অতঃপর যমযমের পানি পান করবেন (৪) এরপর প্রথমে 'ছাফা' পাহাড়ে উঠে কা'বার দিকে মুখ করে' (মুসলিম, মিশকাত হা/১৭৬৪)।

হাত উঠিয়ে কমপক্ষে তিন বার 'লা ইলা-হা ইল্লাল্লা-হু.... ওয়াহদাহ' পড়ে 'মারওয়া'র দিকে 'সাই' শুরু করবেন। অল্প দূর গিয়ে দুই সবুজ চিহ্নের মধ্যে কিছুটা দ্রুত চলবেন। তবে মহিলাগণ স্বাভাবিক গতিতে চলবেন। 'ছাফা' হ'তে 'মারওয়া' পর্যন্ত একবার 'সাই' ধরা হবে। এইভাবে সপ্তম বারে 'মারওয়া' গিয়ে 'সাই' শেষ হবে।

(৫) সাই শেষে মাথা মুগুন করবেন। হজ্জ নিকটবর্তী না হ'লে এটিই উত্তম। অথবা সব চুল ছোট করবেন। মহিলাগণ চুলের অগ্রভাগ থেকে এক আঙ্গুলের মাথা বরাবর চুল ছাটবেন (৬) 'হজ্জ তামাত্ত' সম্পাদনকারী প্রথমে ওমরাহ শেষে হালাল হয়ে সাধারণ কাপড় পরিধান করবেন। কিন্তু 'হজ্জ ইফরাদ' ও 'কিরান' সম্পাদনকারী ইহরাম অবস্থায় থেকে যাবেন (৭) ৮ই যুলহিজ্জার দিন মক্কায় স্বীয় আবাসস্থল হ'তে গোসল ও খোশবু লাগিয়ে হজ্জের ইহরাম বাঁধতে হবে এবং লাক্বায়েক... বলতে বলতে মিনার দিকে অগ্রসর হবে।

(৮) মিনায় পৌছে সেখানে যোহর, আছর, মাগরিব, এশা ও ফজরের ছালাত প্রত্যেক ওয়াক্তের নির্দিষ্ট সময় 'কুহর' সহ আদায় করবেন। জমা করা চলবে না।

(৯) ৯ তারিখে সূর্যোদয়ের পর ধীরস্থির ভাবে 'তালবিয়া' ও 'তাকবীর' বলতে বলতে আরাফার দিকে যাত্রা শুরু করবেন। সেখানে গিয়ে দো'আ ও যিকর-আযকার অধিক মাত্রায় করবেন এবং খুৎবা শ্রবণ শেষে সূর্য চলার পরে যোহর ও আছরের ছালাত কুহর ও 'জমা তাক্বদীম' করে আদায় করবেন।

সূর্যাস্তের পর মুযদালিফার দিকে রওয়ানা দিবেন এবং সেখানে পৌছে এক আযান ও দুই ইক্বামতে মাগরিব ও এশার ছালাত 'জমা তাখীর' করে আদায় করবেন। এ সময় মাগরিব তিন রাক'আত ও এশার দু'রাক'আত কুহর ছালাত আদায় করতে হবে। অতঃপর রাতে বিশ্রাম নিয়ে ফজরের ছালাত আদায় করে ফর্সা হ'লে মিনায় ফিরে আসবেন।

* এন্ড্রুয়েট, কিং সউদ বিশ্ববিদ্যালয়, রিয়াদ, সউদী আরব ও সহকারী অধ্যক্ষ, আল-মারকাযুল ইসলামী আস-সালাফী, নওদাপাড়া, রাজশাহী।

মুযদালিফা হ'তে ৭টি কংকর সংগ্রহ করে সাথে নিয়ে আসবেন।

(১০) মিনায় পৌছে প্রথমে 'জামরাতুল আক্বাবা'তে গিয়ে ৭টি কংকর নিক্ষেপ করবেন এবং প্রত্যেকবার 'আল্লাহু আক্বাবার' বলবেন। কংকর মারা হ'লে কুরবানী থাকলে যবেহ করতে হবে এবং মাথা মুগুন বা চুল ছোট করে কাটতে হবে।

(১১) অতঃপর হালাল হয়ে ইহরাম খুলে সাধারণ কাপড় পরে আবার কা'বার দিকে রওয়ানা দিতে হবে 'ত্বাওয়াফে ইফাযা' করার জন্য।

(১২) 'ত্বাওয়াফে ইফাযা' করে তামাত্ত হজ্জ সম্পাদনকারীকে পরে ছাফা-মারওয়া সাই করতে হবে। আর হজ্জ কিরান কিংবা ইফরাদ সম্পাদনকারী প্রথমে মক্কায় পৌছে 'ত্বাওয়াফে কুদূম' করে থাকলে শেষে 'ত্বাওয়াফে ইফাযা'র পর সাই করবেন না (১৩) কা'বা থেকে সেদিনই মিনায় ফিরে যাবেন এবং সেখানে বিশ্রাম নিবেন ও ১১, ১২ ও ১৩ তারিখে কেবল কংকর নিক্ষেপ করবেন (১৪) ১১ তারিখে দুপুরে সূর্য চলার পর ২১টি কংকর সাথে নিয়ে প্রথমে ছোট জামরাতে ৭টি, তারপর মধ্য জামরায় ৭টি ও সবশেষে বড় জামরায় ৭টি কংকর নিক্ষেপ করবেন এবং প্রত্যেক বার 'আল্লাহু আক্বাবার' বলবেন।

(১৫) ১২ তারিখে কংকর মারার পর সূর্যাস্তের পূর্বেই যদি কেউ মক্কায় ফিরতে চান তবে ফিরতে পারেন। কিন্তু যদি ১২ তারিখে সূর্য মিনায় ডুবে যায়, তাহ'লে তাকে সেখানে অবস্থান করে ১৩ তারিখে কংকর মেরে আসতে হবে (১৬) সবশেষে মক্কায় ফিরে 'ত্বাওয়াফে বিদা' বা বিদায়ী ত্বাওয়াফ করতে হবে। তবে ঋতুবতী ও নেফাস ওয়ালী মেয়েদের জন্য এটা মাফ। 'ত্বাওয়াফে বিদা'র মাধ্যমে হজ্জ সমাপ্ত হবে ইনশাআল্লাহ' (মুসলিম, মিশকাত হা/২৫৫৫; 'বিদায় হজ্জের বিবরণ' অনুচ্ছেদ)।

এম, এস মানি চেঞ্জার

বাংলাদেশ ব্যাংক অনুমে

বিদেশী মুদ্রা, ডলার, পাউণ্ড, স্টার্লিং, ডা. ফ্রেঞ্চ
ফ্রাঙ্ক, সুইস
বিক্রয় করা
ক্রয় করা হয় ও পানি-টো-টো ডলার সহ এনডেসমেন্ট
করা হয়।

এম, এস মানি চেঞ্জার

অর্থনীতির পাতা

পুঁজিবাদ, সমাজতন্ত্র ও ইসলাম

- শাহ মুহাম্মাদ হাবীবুর রহমান*

[৩য় কিস্তি]

কৃত্রিমভাবে (Artificially) অমেরুদণ্ডী প্রাণীর উপর গবেষণা করেছিল। কয়েক দশক পূর্বে মেরুদণ্ডী প্রাণী এমনকি স্তন্যপায়ী প্রাণীর উপর (খরগোশ) নিষেক ব্যতীত কৃত্রিমভাবে বিকাশের জন্য গবেষণা চালানো হয়েছিল। এসব পরীক্ষার ফলাফল অসম্পূর্ণ বা কদাচিৎ সফল হওয়ার পর টিকেছিল।

শুধুমাত্র খরগোশ ব্যতীত অন্য কোন স্তন্যপায়ীতে পার্থিনোজেনেসিস প্রক্রিয়া পরিলক্ষিত হয়নি। তবে যদিও মানুষের ক্ষেত্রে কুমারী হতে সন্তান জন্ম সাধারণতঃ ঘটে না, কিন্তু ইহা জীববৈজ্ঞানিকভাবে (Biologically) নিয়ম বহির্ভূত নয়।

পার্থিনোজেনেসিস যখন স্তন্যপায়ীতে সম্ভব, তখন অনুমান করা যেতে পারে যে, মহা বৈজ্ঞানিক আল্লাহ তা'আলা তাঁর পার্থিনোজেনেসিস প্রক্রিয়া মারইয়াম (আঃ)-এর উপর প্রয়োগ করেছিলেন। আল্লাহ তা'আলার আদেশ হওয়া মাত্র মারইয়ামের ২৩টি (n) ক্রোমোজম (সম্ভবতঃ) অনুলিপি (Duplication) হয়ে দ্বিগুণ অর্থাৎ ৪৬টি (2n) ক্রোমোজম বিশিষ্ট স্তন্যপায়ী (Zygote) গঠিত হয়েছিল। সেখানে মানব রূহ বিদ্যমান ছিল। যা বিকাশ লাভের মাধ্যমে ঈসা (আঃ)-এর আবির্ভাব হয়েছিল।

فَاتَّخَذَتْ مِنْ دُونِهِمْ حِجَابًا فَأَرْسَلْنَا إِلَيْهَا رُوحَنَا
فَتَمَثَّلَ لَهَا بَشَرًا سَوِيًّا-

‘অতঃপর তাদের থেকে নিজেকে আড়াল করার জন্য সে পর্দা করল। অতঃপর আমি তার কাছে আমার রূহ প্রেরণ করলাম, সে তার নিকট পূর্ণ মানবাকৃতিতে আত্মপ্রকাশ করল’ (মারইয়াম ১৭)।

আল্লাহ সর্বশক্তিমান। তাঁর ক্ষমতার বাইরে কিছু নেই। তিনি যা ইচ্ছা সৃষ্টি করেন, যা ইচ্ছা ধ্বংস করেন। ‘তিনি যখন কোন কাজ করার ইচ্ছা করেন তখন বলেন যে, ‘হয়ে যাও’ আর অমনি হয়ে যায়’ (আলে ইমরান ৪৭)। যেহেতু তিনি মহা বৈজ্ঞানিক সেহেতু তার প্রতিটি কাজ নিশ্চয়ই কোন পদ্ধতির মাধ্যমে হয়। ঈসা (আঃ)-এর জন্মও নিশ্চয়ই কোন বিশেষ পদ্ধতির মাধ্যমে তিনি দিয়েছেন শুক্রানুর মিলন ছাড়া। আর সেটা হতে পারে পার্থিনোজেনেসিস বা কুমারী হতে সন্তান (Offspring) জন্ম।^১

আমরা মানুষ। আল্লাহর তুলনায় আমাদের জ্ঞানের পরিধি অত্যন্ত নগণ্য। তার জ্ঞানের বিশালত্বকে আমাদের ক্ষুদ্র জ্ঞানে উপলব্ধি করা সম্ভব নয়। আমরা যতটুকু অর্জন করেছি তা যৎসামান্যই বলা চলে। তাঁর দেওয়া মহাশ্রমকে বেশী বেশী অধ্যয়ন ও গবেষণার মাধ্যমে আমরা তাঁর (আল্লাহ) ক্ষমতা সম্পর্কে ও তাঁর সৃষ্টি সম্পর্কে জ্ঞান অর্জন করতে সক্ষম হব। আল-কুরআনকে যদি আমরা বৈজ্ঞানিক দৃষ্টিভঙ্গিতে বিশ্লেষণ করি, তাহলে এই বিশ্বের বৈচিত্র্যতা সম্পর্কে আরও ভালভাবে উপলব্ধি করতে সক্ষম হব। আমাদের ঈমানী শক্তিও সুদৃঢ় হবে। তাই আসুন! আমরা কুরআনকে নির্দেশক হিসাবে সামনে রেখে বিজ্ঞান চর্চা করি এবং বিজ্ঞানের আলোকে কুরআন বোঝার চেষ্টা করি। আল্লাহ আমাদের সবাইকে তাওফীক দিন! আমীন!!

৫. সম্পদের মালিকানাঃ

সম্পদের মালিকানার ক্ষেত্রেও তিনটি মতাদর্শের মধ্যে যোরতর পার্থক্য রয়েছে। পুঁজিবাদে ব্যক্তিই তার অর্জিত ও উত্তরাধিকার সূত্রে প্রাপ্ত সম্পদের নিরংকুশ মালিকানা ভোগ করে। এই সম্পত্তি সে ইচ্ছামতো ব্যবহার ও ব্যয়ও করতে পারে। চূড়ান্ত ভোগবিলাসের জন্যে ব্যক্তি তার সম্পদের পুরোটাই ব্যবহার করলেও তাকে বাধা দেবার কেউ নেই। পক্ষান্তরে আত্মীয়-স্বজনকে বঞ্চিত করে কুকুর-বিড়ালকে সম্পদ দিয়ে গেলেও বলার কেউ নেই। মৃতের সম্পদের ওয়ারিছ তার স্ত্রী-পুত্র-কন্যা বা পরিবারের সবাই নয়; বরং ব্যক্তি যার নামে উইল করে যাবে বা যাকে নোমিনী করে যাবে সম্পদ সেই পাবে। অন্যথায় পাবে জীবিত জ্যেষ্ঠ পুত্র বা কন্যা। এ ব্যবস্থা ইনসাফ ও ইহসানবিরোধী।

সমাজতন্ত্রে সম্পদের উপর ব্যক্তির কোন স্থায়ী মালিকানা ও উত্তরাধিকারিত্বের স্বীকৃতি নেই। সে যা ভোগ করছে তার মৃত্যুর পর সবই পুনরায় রাষ্ট্রের মালিকানায় চলে যাবে। তার স্ত্রী-পরিজনরা পুনরায় রাষ্ট্রের আনুকূল্য লাভের জন্যে নতুন করে আবেদন জানাবে। এ ব্যবস্থা মানবতা তথা ইনসাফ ও ইহসানবিরোধী। কৃষি জমির মালিকানার ক্ষেত্রে সমাজতান্ত্রিক রাষ্ট্রগুলো ঠেকে ঠেকে কিছু ছাড় দিলেও ঘর-বাড়ী বা অন্যান্য সম্পত্তির ক্ষেত্রে সেই ছাড় প্রযোজ্য ছিল না। কিন্তু সমাজতন্ত্রের পতনের পর এখন রাশিয়াসহ পূর্ব ইউরোপীয় দেশগুলোয় ব্যক্তিগত উদ্যোগেই স্বাধীন ব্যবসা করা যায়, হোটেল চালানো যায়, ব্যাংক ব্যালাসের মালিক হওয়া যায়, বাড়ী-ঘরের মালিকও হওয়া যায়। চীনেও এখন একই অবস্থা বিরাজমান। সেখানে এখন দ্রুত শিল্পপতি গড়ে উঠছে, ব্যবসায়ের বিত্তে কোটিপতি তৈরী হচ্ছে। কিন্তু এই অবস্থায় ফিরে আসার জন্যে অগণিত মানুষকে জানমালের কি বিপুল খেসারতই না দিতে হয়েছে।

ইসলামে ব্যক্তি মানুষ আল্লাহ প্রদত্ত সম্পদের যিম্মাদার। সে এই সম্পদ ভোগ-দখল করতে পারবে, ব্যবহার করতে পারবে কিন্তু তার অপচয় ও অপব্যবহার করতে পারবে না। উপরন্তু তার মৃত্যুর সাথে সাথেই তা বন্দি হয়ে যাবে তার ওয়ারিছদের মধ্যে। অবশ্য ঋণ রেখে মারা গেলে তা সবার আগে পরিশোধিতব্য। ইচ্ছা করলে স্বজনদের মধ্যে বিশেষ কাউকে সম্পত্তির অংশ বিশেষ দান করতেও পারবে, তবে কোনক্রমেই এক-তৃতীয়াংশের বেশী নয়। ব্যক্তি এখানে সম্পদের নিরংকুশ মালিক নয়, সে ব্যবহারকারী মাত্র। এই ধ্যান-ধারণা বা বোধ-বিশ্বাস জাগ্রত করা ও বাস্তব জীবনে

১. Scientific Indication's in the Holy Quran, P. 100.

* প্রফেসর, অর্থনীতি বিভাগ, রাজশাহী বিশ্ববিদ্যালয়।

সমাজ ব্যবস্থায় যা সত্য ও সুন্দর, মানবতার পক্ষে কল্যাণকর তার জন্যেই চিন্তাশীলরা কাজ করবে। বুদ্ধিজীবীরা সমাজের সচেতন লোক হিসাবে সে উদ্দেশ্যেই তাদের লেখনী পরিচালনা করবে। অন্যায় ও অসত্যকে নির্মূল করার জন্যে, সকল ইবলীসী তৎপরতার মূলোচ্ছেদের জন্যে এবং তাগুত্বী অপশক্তির বিরুদ্ধে লড়াইয়ে মুমিনদের উদ্বুদ্ধ করার জন্যেই চিন্তার স্বাধীনতাকে কাজে লাগানো ইসলামে আচরিত ও স্বীকৃত উপায়।

৭. গণতন্ত্র বনাম প্রলেতারিয়েততন্ত্রঃ

পুঁজিবাদী সমাজব্যবস্থায় রাষ্ট্রক্ষমতা পরিচালিত হয় গণতন্ত্রের মাধ্যমে। রাজতন্ত্র উচ্ছেদ করে গণতন্ত্রের প্রতিষ্ঠা হয়েছিল বলেই ফরাসী বিপ্লবের (১৭৮৯) এত গুরুত্ব। আধুনিক গণতন্ত্রের আন্দোলন সেই থেকে দানা বেঁধে উঠতে শুরু করে। যদিও রাষ্ট্রযন্ত্রকে বলা হচ্ছিল Necessary Evil বা প্রয়োজনীয় অশুভ প্রতিষ্ঠান। কিন্তু রাজতন্ত্রের অত্যাচার থেকে রেহাই পাবার জন্যে সমকালীন ইউরোপে এর কোন বিকল্পও জানা ছিল না। গ্রীক দার্শনিক পেরিক্লিস হ'তে শুরু করে জন লক, জন স্টুয়ার্ট মিল, জাঁ জ্যাক রুশো (Jean Jacques Rousseau), টমাস জেফারসন, হারল্ড জে, লাক্সি, লর্ড ব্রাইস প্রমুখ ধনতান্ত্রিক জীবনদর্শে বিশ্বাসী দার্শনিক-রাষ্ট্রবিজ্ঞানী গণতন্ত্রের অন্যতম প্রবক্তা। অপরদিকে গণতন্ত্রের যারা চুলচেরা বিশ্লেষণ ও কঠোর সমালোচনা করে একে অগ্রহণযোগ্য বলে অভিমত ব্যক্ত করেছেন তাদের মধ্যে রয়েছেন গ্রীক দার্শনিক প্লেটো, ঐতিহাসিক লেকী (Lecky), রাষ্ট্রবিজ্ঞানী টেলিরাণ্ড (Talley Rand), স্যার হেনরী মেইন, এমিল ফাগুয়ে (Emile Faguet) প্রমুখ ব্যক্তিত্ব।

প্লেটো তার 'রিপাবলিক' গ্রন্থে গণতন্ত্রকে মূর্খের শাসন বলে অভিহিত করেছেন। তার মতে, সমাজে বুদ্ধিমানের চেয়ে মূর্খ ও অববেচকের সংখ্যাই বেশী। তাই সংখ্যাধিক্যের শাসনের অর্থ এদেরই শাসন। এমিল ফাগুয়ের মতে, বিজ্ঞ ও বিদগ্ধজনেরা নির্বাচনের হট্টগোলে যেতে নারাজ। দুয়ারে দুয়ারে ধর্না দিয়ে ভোট ভিক্ষাতেও তারা অসমর্থ। ফলে গণতান্ত্রিক শাসন ব্যবস্থায় সত্যিকার বিজ্ঞজনদের অবদান রাখার কোনই সুযোগ নেই। টেলিরাণ্ড গণতন্ত্রকে শয়তানের শাসন ব্যবস্থা হিসাবে অভিহিত করেছেন। ঐতিহাসিক লেকী বলেন, গণতন্ত্র কোনক্রমেই শ্রেষ্ঠতম প্রশাসনিক ব্যবস্থার নিশ্চয়তা দেয় না। অনুরূপ অভিমত ব্যক্ত করেছেন স্যার হেনরী মেইন। উপরন্তু গণতন্ত্র শুধু অপচয়ধর্মী ব্যবস্থাই না, দুর্নীতির প্রশ্রয়দানকারীও বটে। পৃথিবীর যেকোন গণতান্ত্রিক দেশের সরকারের প্রতি নযর দিলে এ সত্য সহজেই উপলব্ধি করা যাবে। গণতন্ত্রে ধনীদের প্রভাব খুবই বেশী। নির্বাচনের সময় চাঁদা দিয়ে তারা দলের নেতাদের হাত করে এবং পরবর্তীতে তাদের স্বার্থের অনুকূলে কাজ করতে বাধ্য করে। বিপুল অর্থ ব্যয়ে নিরন্তর প্রচারণা ও ক্ষেত্রবিশেষে চাপ প্রয়োগের মাধ্যমে পসন্দসই লোককে ভোট দিতে সাধারণ ভোটারদের উদ্বুদ্ধ

বা বাধ্য করে। শিল্পপতি ও ব্যবসায়ীরা পার্লামেন্ট নির্বাচনে বিপুল অংকের চাঁদা দেয় যেন নির্বাচনে বিজয়ী দল তাদের স্বার্থবিরোধী কোন পদক্ষেপ নিতে না পারে। উপরন্তু নির্বাচনে বিজয়ী দল তাদের সমর্থকদের মধ্যে ঠিকাদারীর কাজ, লাইসেন্স, পারমিট ও অন্যান্য সুযোগ-সুবিধা বিতরণ করে। ফলে সরকারী তহবিলের পুরোটাই ব্যবহৃত হয় দলীয় স্বার্থে। এখানে সাধারণ জনগণের ঠাই কোথায়?

এতসব অসংগতি ও ক্রটি থাকা সত্ত্বেও পুঁজিবাদী দেশগুলো বিশ্বের কাছে তাদের আচরিত গণতন্ত্রকে তুলে ধরার এবং সেটিই যে শ্রেষ্ঠ তা প্রমাণের আশ্রয় চেষ্টা চালিয়ে যাচ্ছে। তাদের দৃষ্টিতে আব্রাহাম লিংকনের প্রদত্ত সংজ্ঞা অনুযায়ী গঠিত সরকারই গণতন্ত্রের সবচেয়ে বড় ধারক ও বাহক। কারণ সে সরকার হ'ল জনগণের দ্বারা জনগণের জন্যে জনগণের সরকার (Government of the people, by the people and for the people)। এই সরকারই গণতন্ত্রের সর্বোত্তম রক্ষাকবচ। কিন্তু বাস্তব চিত্র কি আসলে তাই? রাষ্ট্রবিজ্ঞানীদের মতে 'জনগণের ইচ্ছা' আসলে 'জনগণের'ও না 'ইচ্ছা'ও না। কতিপয় নেতৃস্থানীয় বুদ্ধিমান ব্যক্তির গৃহীত ও চাপিয়ে দেওয়া সিদ্ধান্তই জনগণের সিদ্ধান্ত বা রায় বলে চালিয়ে দেওয়া হয়। উপরন্তু গণতান্ত্রিক প্রক্রিয়ায় সিদ্ধান্ত গৃহীত হয় নির্বাচনের মাধ্যমে। নির্বাচনী কর্মকাণ্ড এমন এক বিশাল ব্যয়বহুল ব্যাপার যে শুধুমাত্র ধনীরাই নির্বাচনের মতো বিলাসিতায় অংশ নিতে পারে। মার্কস যে বুর্জোয়া শ্রেণীকে তাঁর শ্রেণী সংগ্রামের অন্যতম প্রতিপক্ষ হিসাবে দাঁড় করিয়েছেন সেই শ্রেণী শত্রুরাই নির্বাচনে দাঁড়ায়। তাঁরাই হারে বা জেতে। নির্বাচনী কর্মকাণ্ড সেখানে দেশব্যাপী এক বিশাল হলস্থল ব্যাপার। তাছাড়া রাষ্ট্রপ্রধান নির্বাচন হ'লে তার ব্যয়ভার বহন কোন প্রার্থীর একার পক্ষে শুধু দুঃসাধ্য নয়, দুঃস্বপ্নের শামিল। সে ব্যয় বহন করে দল। দল চাঁদা তোলে, হায়ার ডলার দামের ডিনারে আমন্ত্রণ জানায় সমর্থকদের। মার্কিন মুলুকে রস পেরেট-এর মতো ধনীরাই শুধু নির্বাচনে অংশ নিতে পারে। তাই নির্বাচনে প্রার্থিতা ঘোষণা করেও নাম প্রত্যাহার করে নেয় মিসেস এলিজাবেথ ডোলের মতো প্রার্থীরা। খবরের কাগজে প্রকাশ্যে বিবৃতি দেন রিপাবলিকান দলের এই প্রার্থী- তার পর্যাপ্ত অর্থ নেই বলে নির্বাচনী যুদ্ধ হ'তে সরে দাঁড়ালেন।^১ কানাডা, ব্রুটেন, ফ্রান্স, জার্মানী, অস্ট্রেলিয়া সর্বত্রই একই চিত্র দেখা যাবে।

নির্বাচনে যারা জেতে তারা কি প্রকৃত অর্থেই অধিকাংশ লোকের সমর্থন পেয়ে নির্বাচিত হয়? তারা কি সত্যিকার অর্থেই সংখ্যাগরিষ্ঠ লোকের প্রতিনিধি? যদি তিন জন প্রার্থীও প্রতিদ্বন্দ্বিতা করে এবং একজন ৪০%, অপরজন ৩২% এবং বাকী অন্যজন ২৮% ভোট পায় তাহ'লে প্রথম জনই নির্বাচিত বলে স্বীকৃত হবে। তার সিদ্ধান্তই গৃহীত হবে, চূড়ান্ত বিবেচিত হবে। অথচ বাস্তবতা হ'ল তার পেছনে সংখ্যাগরিষ্ঠ লোকের অর্থাৎ ৬০% লোকেরই সমর্থন

১. দৈনিক ইনকিলাব ১১ অক্টোবর, ১৯৯৯।

নেই। এই হ'ল গণতন্ত্রের ফাঁকি। তাই পুঁজিবাদী ব্যবস্থায় শাসন পরিচালনার এই পদ্ধতি না জনগণের বৃহৎ অংশের প্রতিনিধিত্ব করতে সক্ষম, না এখানে সৎ, দক্ষ ও যোগ্য লোকের মূল্য আছে, না রয়েছে বিত্তহীনদের জন্যে কোন সুযোগ। এরপরেও যদি কোন দেশে গণতন্ত্রের এই ভোটাভুটির মাধ্যমে এমন কোন দল ক্ষমতায় এসে যায় পুঁজিবাদের মোড়লদের কাছে যারা পসন্দনীয় হন, তাহ'লে তাকে উৎখাত করা হয় অস্ত্রের মুখে। জারী করা হয় সামরিক শাসন। তখন ঐ দেশের জন্যে গণতন্ত্রের চর্চা আর অনুমোদনযোগ্য থাকে না। আলজেরিয়া এর প্রকৃষ্ট উদাহরণ। এ ধরনের দ্বিচারণে অভ্যন্তরীণ মার্কিন যুক্তরাষ্ট্র ও তার দোসররা। এজন্যেই পুঁজিবাদী গণতন্ত্রের পথ ধরে বা এই প্রক্রিয়ায় মিসর, লিবিয়া, সিরিয়া, ইরাক, নাইজেরিয়া, ইন্দোনেশিয়া, মালয়েশিয়া বা পাকিস্তানে ইসলামী শাসন ব্যবস্থা কায়েম হওয়ার কোনও সম্ভাবনা নেই। ইরানে ইসলামী বিপ্লব তথা রাষ্ট্রক্ষমতা প্রতিষ্ঠিত হয়েছে গণতন্ত্রের মাধ্যমে নয়, ইসলামী জিহাদের মাধ্যমে।

সমাজতন্ত্রে গণতন্ত্রের নাম-নিশানাও থাকে না। বরং সেখানে চালু হয় একনায়কতন্ত্র যা আরও ভয়ংকর, আরও বিভীষিকাময়। সমাজতন্ত্র বা কম্যুনিজমের ধাজাধারীরা বুর্জোয়া গণতন্ত্র উচ্ছেদের ডাক দিয়ে 'যালিমশাহী নিপাত যাক' শ্লোগান দিয়ে, 'দুনিয়ার মজদুর এক হও' আওয়ায তুলে রক্তপাত, শঠতা ও ধূর্ততার মধ্য দিয়ে ক্ষমতায় আসীন হয়েই তাদের ভোল পাল্টে ফেলে। প্রলেতারিয়েত বা সর্বহারাদের নামে দখল করা ক্ষমতায় আর কেউ যেন ভাগ বসাতে না পারে, সেজন্যে একদিকে যেমন চালু হয় একদলীয় শাসন ব্যবস্থা ও একনায়কতন্ত্র (যেমন বাংলাদেশে ১৯৭৫ সালে হয়েছিল বাকশাল), তেমনি অন্যদিকে বিরোধীদের নির্মূল করার জন্যে চালানো হয় সাঁড়াশী অভিযান। পৃথিবীর কোন সোস্যালিস্ট ও কম্যুনিষ্ট দেশে এর কোন ব্যত্যয় ঘটেনি। এর বিপরীত উদাহরণ কোথাও খুঁজে পাওয়া যাবে না। নতুন এই শাসন ব্যবস্থার গালভরা নাম হয় 'সর্বহারাদের একনায়কতন্ত্র' বা Dictatorship of the Proletariat.

গণতন্ত্র দূরে থাকে, সত্যিকার অর্থে বিপ্লব দূরে থাক গৃহযুদ্ধ ছাড়া সমাজতন্ত্র কায়েমই হ'তে পারে না। খোদ লেনিনেরই কথা হ'লঃ.... "a Socialist revolution in particular, even if there were no external war, is inconceivable without internal war i. e., civil war" 'যদি বৈদেশিক যুদ্ধ নাও থাকে তাহ'লেও বিশেষভাবে সমাজতান্ত্রিক বিপ্লব অভ্যন্তরীণ যুদ্ধ অর্থাৎ গৃহযুদ্ধ ছাড়া অচিন্ত্যনীয়'।^২

তিনি আরও বলেন, "The Soviet Socialist Democracy is in no way inconsistent with the rule and dictatorship of one person"^৩ 'সোভিয়েত সমাজতান্ত্রিক

গণতন্ত্র কোনভাবেই একব্যক্তির একনায়কত্ব ও শাসনের সাথে অসামঞ্জস্যপূর্ণ নয়'। আসলেই প্রচণ্ড স্বৈরতন্ত্র ছাড়া কম্যুনিষ্ট রাষ্ট্র ব্যবস্থা না কায়েম হ'তে পারে, না তা একদণ্ড স্থায়ী হ'তে পারে।

এজন্যেই যে মেহনতী জনতা হাতুড়ী-শাবল-কান্তে দিয়ে রাজপ্রাসাদের বন্ধ দুয়ার খুলেছিল তাদের আবার ফেরত পাঠানো হ'ল তাদের সাবেক জায়গাতেই। ক্ষমতার মসনদে আসীন পার্টি প্রধানরাই, ক্ষমতার মালিক হ'ল পলিটবুরোয়ার সদস্যরা। একবার পলিটবুরোয়ার সদস্য হ'তে পারলে সেখান হ'তে সরার আর কোন সম্ভাবনা নেই। একমাত্র গুণ্ডহত্যা বা কয়েদ ছাড়া স্বাভাবিক মৃত্যু হ'লে তবেই এর অবসান ঘটে। মাও বে দং, ভ্লাদিমীর ইলিচ লেনিন, যোসেফ ব্রজ টিটো, ফিদেল ক্যাস্ট্রো, হো চি মিন, কিম ইল সুং, মোশেফ স্ট্যালিন, লিওনিদ ব্রেঝনেভ, এনভের হোস্না (আনোয়ার হোজা), সকলেই আমৃত্যু থাকেন কমরেড কমাণ্ডার, দেশের সর্বময় হর্তাকর্তা।

এদের অনেকেরই গাঁটছড়া বাধা ছিল পুঁজিবাদের সাথে। কিন্তু পুঁজিবাদের শোষণ সম্পর্কে সচেতন হওয়ার পর (বুটেন কর্তৃক মিসরের সুয়েজ খাল দখল করে রাখা এর প্রকৃষ্ট উদাহরণ) তারা বিকল্প আন্তর্জাতিক রাজনৈতিক আশ্রয় খুঁজতে থাকে। সেই সময়েই এরা সোভিয়েত কূটনীতির খপ্পরে পড়ে। দেশে সমাজতান্ত্রিক দল গঠিত হয় এবং তারাই সুকৌশলে ক্ষমতা দখল করে। অথবা ক্ষমতাসীন সরকার এদের সাথে আঁতাত করে ক্ষমতায় টিকে থাকে। তাই মিসর, লিবিয়া, সিরিয়া, ইরাক প্রভৃতি দেশে ব্যক্তিজীবনে ইসলাম আচরণের সুযোগ থাকলেও সেসব দেশে জোর করে চাপিয়ে দেওয়া হয়েছে সমাজতন্ত্রের সামাজিক ও রাষ্ট্রনৈতিক দর্শন। এসব দেশে পার্টি প্রধানরাই একাধারে রাষ্ট্রপ্রধান, সরকার প্রধান ও সেনাবাহিনীর সর্বাধিনায়ক। আমৃত্যু ক্ষমতায় থাকেন জামাল আবদুন নাছের, আনোয়ার সা'দাত, হাফিয আল-আসাদ, সাদাম হোসেন, মুয়াম্মার গাদ্দাফী।

মুসলিম দেশসমূহের মধ্যে খিলাফত প্রথা উৎখাত করে তুরস্কেই সবার আগে পাশ্চাত্য ধাঁচের গণতন্ত্র প্রবর্তিত হয়। ইসলামের দুশমন মুস্তফা কামাল পাশা এই সর্বনাশা পদক্ষেপ গ্রহণের পাশাপাশি সর্ববিধ উপায়ে জীবনের সকল ক্ষেত্রে হ'তে ইসলামকে উৎখাতের জন্যে সর্বশক্তি প্রয়োগ করেন। মসজিদে আযান দেওয়া পর্যন্ত নিষিদ্ধ হয়। সেই প্রচেষ্টা আজও অব্যাহত রয়েছে। তুরস্কের ইসলামবিরোধী রাষ্ট্রনেতাদের বড় সাধ ইউরোপ তথা পাশ্চাত্য তাকে তাদেরই একজন বলে গ্রহণ করুক। কিন্তু দাঁড়কাক ময়ূরপৃষ্ঠ ধারণ করলেই ময়ূর হয়ে যায় না। পাশ্চাত্য তাকে গ্রহণ করেনি। কারণ শত নির্যাতন, পীড়ন, দলন সত্ত্বেও তুরস্কে আজও ইসলাম তার অফুরন্ত প্রাণশক্তি নিয়েই টিকে রয়েছে।

আসলেই মানুষের মনগড়া মতবাদে কোন কল্যাণ নেই,

২. Lenin, Selected Works, Russian Edition, vol. 2, p. 278)

৩. Lenin, Collected Works, 1923 edition vol. xvii, p. 89)

বয়স হয়েছিল ৯ বৎসর।^{১৮} হযরত আয়েশা (রাঃ) ব্যতীত মহানবী (ছাঃ) অন্য কোন কুমারী মেয়েকে বিবাহ করেননি।^{১৯}

চরিত্র-মাধুর্য: হযরত আয়েশা (রাঃ) কৈশোরের গন্ডিতে থাকলেও মহানবী (ছাঃ)-এর ঘরনী হওয়ার পর তিনি হয়ে উঠেন আদর্শ গৃহিণী। রূপে-গুণে^{২০} তিনি যেমন ছিলেন অতুলনীয়, চরিত্র-মাধুর্যেও তেমন ছিলেন অনুকরণীয়। তিনি ছিলেন উত্তম চরিত্রের অধিকারিণী, দৃঢ় প্রতিজ্ঞ, দানশীলা ও সমতা বিধানকারিণী।^{২১} তাঁর চরিত্র-মাধুর্য সম্পর্কে এতটুকু বলাই যথেষ্ট যে, আল্লাহ রাব্বুল আলামীন তাঁর চরিত্রিক পবিত্রতা সম্পর্কে পবিত্র কুরআনের সূরা নূরে ১০টি আয়াত নাযিল করেছেন।^{২২} মূলতঃ এই আয়াতগুলি নাযিল হয়েছিল হযরত আয়েশা (রাঃ)-এর প্রতি অপবাদ আরোপের (ইফকের) ঘটনার পরিশ্রেক্ষিতে। ঘটনাটি হচ্ছেঃ ৬ষ্ঠ হিজরীতে বণী মুস্তালিক নামান্তরে মুরাইসী যুদ্ধে মহানবী (ছাঃ)-এর সাথে হযরত আয়েশা (রাঃ) ছিলেন।^{২৩} যুদ্ধ থেকে ফেরার পথে বিশ্রামের জন্য কাফেলা থামলে হযরত আয়েশা (রাঃ) প্রাকৃতিক প্রয়োজন মিটানোর জন্য স্বীয় হাওদাজ (পর্দা বিশিষ্ট আসন) থেকে বের হয়ে লোকান্তরালে গিয়ে প্রয়োজন সেরে ফিরে এসে দেখেন তাঁর গলায় পরিহিত হারটি নেই। তখন তিনি হারানো হারটি খোঁজার জন্য হাওদাজ হতে বের হয়ে তথায় যান। ইতিমধ্যে সৈন্যদল রওয়ানা হয়ে যায় এবং আয়েশা (রাঃ) স্বীয় হাওদাজে আছেন মনে করে হাওদাজ নিয়ে সৈন্যরা চলে যায়। এদিকে হযরত আয়েশা (রাঃ) ফিরে এসে দেখেন কাফেলা চলে গেছে। তখন তিনি সেখানে অবস্থান করেন। এমতাবস্থায় ছাফওয়ান ইবনু মু'আত্তাল তথায় উপস্থিত হন। তিনি ছিলেন সেনাদলের পিছুগমনকারী। তিনি হযরত আয়েশা (রাঃ)-কে দেখে স্বীয় উটে চড়িয়ে নিজে উটের লাগাম ধরে হেঁটে কাফেলার সাথে মিলিত হন। এটা দেখে মুনাফিক সরদার আব্দুল্লাহ ইবনু উবাই ইবনে সুলুল হযরত আয়েশা (রাঃ)-এর নামে অপবাদ রটনা শুরু করে। তার সাথে সরলপ্রাণ মুসলিম যায়দ বিন রিফ'আহ (রাঃ), হাসান বিন ছাবিত (রাঃ)

মিসত্বাহ বিন আছাহাহ (রাঃ) ও হুম্নাহ বিনতু জাহাশ (রাঃ)ও যোগ দেয়।^{২৪} উক্ত অপবাদ থেকে হযরত আয়েশা (রাঃ)-কে পবিত্র ঘোষণা করে এবং অপবাদ রটনাকারীদের নিন্দা এবং শাস্তির বর্ণনা দিয়ে আল্লাহপাক সূরা নূরে আয়াত নাযিল করেন।^{২৫}

প্রজ্ঞা: ইসলামী শরীয়তের জ্ঞানে পারদর্শী এক অনন্য সাধারণ বিদূষী মহিলা ছিলেন হযরত আয়েশা (রাঃ)। ইসলামী শরীয়তের জ্ঞানের পাশাপাশি তিনি আরো বহু বিষয়ে পারদর্শী ছিলেন। হিশাম ইবনু উরওয়া স্বীয় পিতা থেকে বর্ণনা করেন যে, কুরআন, ইলমে ফারায়েয, হালাল-হারাম, কবিতা, আরব্য ঘটনাবলী, নসবনামা (বংশক্রম), বিচার ব্যবস্থা, চিকিৎসা সম্পর্কে হযরত আয়েশা (রাঃ)-এর চেয়ে অধিক জ্ঞানী কাউকে কখনও আমি দেখিনি।^{২৬} ছাহাবাদের মধ্যে তিনি সবচেয়ে বড় ফক্বীহ ছিলেন। তাঁর সম্পর্কে ইমাম যাহাবী উল্লেখ করেছেনঃ

كانت أكبر فقهاء الصحابة كان فقهاء رسول الله صلى الله عليه وسلم يرجعون إليها يروى عن قبيصة بنت زؤيب ، قالت كانت عائشة أعلم الناس يسألها أكابر الصحابة -

'তিনি ছাহাবীদের মধ্যে সবচেয়ে বড় ফক্বীহ ছিলেন। রাসূল (ছাঃ)-এর ফক্বীহ ছাহাবীগণ তাঁর নিকটে (মাসআলা জিজ্ঞেস করার জন্য) আসতেন।^{২৭} আবু মুসা (রাঃ) বলেন, 'আমাদের নিকট কোন হাদীছ বুঝতে সমস্যা হ'লে আমরা হযরত আয়েশা (রাঃ)-কে জিজ্ঞেস করতাম। তখন আমরা তাঁর নিকট জ্ঞানের খোরাক পেতাম'^{২৮} তাঁর সম্পর্কে ইমাম যুহরী (রহঃ) বলেন, 'যদি সমস্ত মানুষ ও মহানবী (ছাঃ)-এর স্ত্রীগণের ইলম একত্রিত করা হয় তবুও হযরত আয়েশা (রাঃ)-এর জ্ঞান বেশী হবে'^{২৯} তিনি বিশুদ্ধ আরবী ভাষিণী ছিলেন।^{৩০} মুসা ইবনু ত্বালহা বলেন, 'হযরত আয়েশা (রাঃ)-এর চেয়ে অধিক বিশুদ্ধ আরবী ভাষী আমি কাউকে দেখিনি'^{৩১}

তাক্বওয়া ও ইবাদত: হযরত আয়েশা (রাঃ) ছিলেন অত্যন্ত আল্লাহভীরু মহিলা।^{৩২} তিনি ছাওমুদদাহার (সারা বছর ছিয়াম) পালন করতেন।^{৩৩} তিনি অত্যধিক দানশীলা

২৪. ডঃ মুহাম্মাদ সুলায়মান আবদুল্লাহ-হিল আশকার, যুবদাতুত তাফসীর (রিয়াঃ মাকতাবাতু দারুস সালাম, ১৯৯৪/১৪১৪), পৃঃ ৪৫৮।
২৫. তাফসীরে মা'আরেফুল কুরআন, ৬/৪৪৯।
২৬. আল-মুত্তায়াম, ৫/৩০৩; নূহাতুল ফুয়াল তাহযীবু সিয়ারি আল'আমিন নুবালা, ১/১৩১; আল-ইছাবাহ, ৪/১৪০; আল-মুত্তাদরাক, ৪/১২।
২৭. আস-সীরাতুন নববিইয়াহ, পৃঃ ৩৬১।
২৮. আস-সীরাতুন নববিইয়াহ, পৃঃ ৩৬১; নূহাতুল ফুয়াল, ১/১৩০; আল-মুত্তাদরাক ৪/১২; আল-ইছাবাহ, ৪/১৪০।
২৯. মুত্তাদরাক ৪/১২, ইছাবাহ, ৪/১৪০; নূহাতুল ফুয়াল, ১/১৩১।
৩০. অলিউদ্দীন আল-খাত্তাবী, মিশকাতুল মাছাবীহ (ঢাকাঃ ইমদাদিয়া লাইব্রেরী, তা.বি.), পৃঃ ৬১২।
৩১. আল-মুত্তাদরাক আলাহ ছাহীহায়েন, ৪/১২ ফুটনোট।
৩২. তুহফাতুল আশরাফ বি মারিফাতিল আভূরাফ, ১১/১১ মুকাদ্দাম।
৩৩. নূহাতুল ফুয়াল, ১/১৩২।

১৮. আল-মুত্তায়াম, ৫/১১৯; আল-ইছাবাহ ৪/১৩৯; নূহাতুল ফুয়াল ১/১১৯। কার মতে, তখন তাঁর বয়স ছিল ১০ বৎসর।

১৯. ফাতহুল আল্লাম, ১/২২৯।

১৯. আত-তারীখুল ইসলামী, ১ম ও ২য় খণ্ড, পৃঃ ৩৫৭; আল-ইছাবাহ, ৪/১৪০।

২০. হযরত আয়েশা (রাঃ) ছিলেন অত্যন্ত ফর্সা ও সুন্দরী। এ জন্য তাঁকে 'হুমাইরা' বলা হত।
ডঃ নূহাতুল ফুয়াল, ১/১১৯।

২১. আবুল হাসান আলী আল-হাসানী আন-নাদভী, আস-সীরাতুন নববিইয়াহ (বেরুতঃ দারুস শরুফ, ৬ষ্ঠ মুদ্রণ, ১৯৮৪/১৪০৫), পৃঃ ৩৬১।

২২. হাফেয ইমাদুদ্দীন ইবনু কাছীর, তাফসীরুল কুরআনিল আযীম (কুয়েতঃ জমদয়্যাতু এইয়াহিত ডুরাহ আল-ইসলামী, ১ম প্রকাশ, ১৯৯৬/১৪১৬), ৩/৩৫৬।

২৩. মুফতী মুহাম্মাদ শফী, তাফসীরে মা'আরেফুল কুরআন, অনুবাদঃ মাওলানা মুহিউদ্দীন খান (ঢাকাঃ ইসলামিক ফাউন্ডেশন, ১৯৮৩/১৪০৩), ৬/৪৪৭।

চিকিৎসা ডাগত

গ. তিনি ছিলেন রাসূল (ছাঃ)-এর সর্বাধিক প্রিয় স্ত্রী ।

ঘ. তাঁর পবিত্রতা সম্পর্কে পবিত্র কুরআনে আয়াত অবতীর্ণ হয়েছে ।

ঙ. তিনি হযরত জিবরাঈল (আঃ)-কে দেখেছিলেন । যে সৌভাগ্য রাসূল (ছাঃ)-এর অন্য কোন স্ত্রীর হয়নি ।

চ. মহানবী (ছাঃ) তাঁর গৃহে মৃত্যুবরণ করেন এমতাবস্থায় যে, তখন হযরত আয়েশা (রাঃ) ও ফেরেশতা ব্যতীত অন্য কেউ সেখানে ছিল না ।^{৪৫} সর্বোপরি মহানবী (ছাঃ) তাঁর ফযীলত সম্পর্কে বলেন, 'সমস্ত খাদ্যের মধ্যে 'ছারীদ' (এক প্রকার খাদ্য বিশেষ)-এর স্থান যেমন সবচেয়ে উর্ধ্বে, মহিলাদের মধ্যে আয়েশা (রাঃ)-এর মর্যাদা তেমনি সবার উপরে' ।^{৪৬}

ইত্তেকাল: তিনি মু'আবিয়া (রাঃ)-এর শাসনামলে ৫৭ হিজরীর^{৪৭} ১৫ ই রামায়ান সোমবার দিবাগত রাতে বিতর ছালাতান্তে পার্শ্বিক সকল বন্ধন ছিন্ন করে আল্লাহর সান্নিধ্যে গমন করেন ।^{৪৮} তখন তাঁর বয়স হয়েছিল ৬৬ বৎসর ।^{৪৯} হযরত আবু হুরায়রাহ (রাঃ) তাঁর জানায়ার ছালাত পড়ান এবং ঐ রাতেই তাঁকে 'বাক্বীউল গারক্বাদে' সমাহিত করা হয় ।^{৫০}

সমাপনী: পরিশেষে আমরা বলতে পারি যে, হযরত আয়েশা (রাঃ)-এর ঘটনাবলি জীবনাদর্শে আমাদের জন্য অনেক শিক্ষা রয়েছে । বর্তমানে আধুনিকতার দোহাই পেড়ে নারী স্বাধীনতার নামে দেশে যে নগ্নতা, অশ্লীলতা ও বেহায়াপনার সয়লাব চলছে, নারীর আসল মর্যাদাকে ভুলুষ্ঠিত করে তাকে বাজারের পণ্যে পরিণত করছে, বিজ্ঞাপনে ব্যবহার করছে, সমান অধিকারের নামে ঘর থেকে বের করে আনছে এবং ক্রমান্বয়ে অবক্ষয়ের দিকে ঠেলে দিচ্ছে এই অধঃপতন থেকে তাদেরকে রক্ষা করতে হলে আমাদের মা-বোন, স্ত্রী-কন্যাকে হযরত আয়েশা (রাঃ)-এর মত চরিত্র-মাধুর্য এবং তাঁর মত আদর্শবতী হিসাবে গড়ে উঠতে হবে । তবেই এ সমাজে সেই সোনালী যুগের শান্তি ফিরে আসবে । দাম্পত্য জীবনে আসবে সুখ-স্বাচ্ছন্দ, সংসারে আসবে অনাবিল শান্তি । আল্লাহ আমাদের মা-বোনদেরকে আয়েশা (রাঃ)-এর মত আদর্শবতী হওয়ার তাওফীক্ব দান করুন । আমীন!!

৪৫. আল-মুত্তাদরাক ৪/১১; আল-ইছাবাহ ৪/১৪০-১৪১ ।

৪৬. নুযহাতুল ফুযালা ১/১২১; ফাতহুল আল্লাম ১/২৩০ ।

৪৭. আল-মুত্তাদরাক আলাছ-ছাহীহায়েন ৪/৫; কারো মতে তিনি ৫৮ হিজরীতে ইত্তেকাল করেন ।

৪৮. ফাতহুল আল্লাম ১/২৩১; ওফয়াতুল আ'ইয়ান ৩/১৬; শাযারাতুয যাহাব ১/৬১ ।

৪৯. আল-মুত্তাদরাক আলাছ ছাহীহায়েন ৪/৫; শাযারাতুয-যাহাব ১/৬১; কেউ কেউ তাঁর মৃত্যু তারিখ ১৭ই রামায়ান বলেছেন ।

৫০. আল-মুত্তায়াম ৫/৩০৩; আল-ইছাবাহ ৪/১৪১ ।

৪৯. নুযহাতুল ফুযালা ১/১৩৩; আল-মুত্তায়াম ৫/৩০৩; কারো মতে তখন তাঁর বয়স হয়েছিল ৬৭ বৎসর ।

৫০. ওফয়াতুল আ'ইয়ান ৩/১৬ ।

৫০. আল-মুত্তাদরাক আলাছ ছাহীহায়েন ৪/৫; ওফয়াতুল আ'ইয়ান ৩/১৬; আল-ইছাবাহ ৪/১৪১ ।

(ক) গবাদিপশুর নিউমোনিয়া

-ডাঃ মুহাম্মাদ মনছুর আলী*

'নিউমোনিয়া' একটি অতি পরিচিত রোগ । যাকে ফুসফুস প্রদাহও বলা হয় । সাধারণতঃ শ্বাসনালী ও ক্রোমনালী প্রদাহ হিসাবে আরম্ভ হয়ে ফুসফুস পর্যন্ত প্রদাহ ছড়ায় । এই রোগ প্রাথমিক অবস্থায় মারাত্মক না হ'লেও দ্বিতীয় বা তৃতীয় ধাপে মারাত্মক আকার ধারণ করে এবং অনেকাংশে পশু মারা যায় । আমাদের দেশে গবাদিপশু প্রসবের সময় ভুল ধারণার কারণে অধিকাংশ বাচ্চাদের এই রোগে আক্রান্ত হ'তে দেখা যায় । প্রসবের সময় যদি বাচ্চার নিঃশ্বাস বন্ধ হয়ে যায়, তখন গ্রামের লোকেরা বাচ্চার নাভিতে প্রচুর পরিমাণে পানি ঢেলে থাকে । তাদের ধারণা যে, এতে নিঃশ্বাস ফিরে আসে এবং বাচ্চা রক্ষা পায় । শুধু পশুর ক্ষেত্রেই নয়, মানুষের বাচ্চার ক্ষেত্রেও এমনটি দেখা যায় । এতে বরং বাচ্চার ফুসফুস ড্যামেজ হয়ে চিরদিনের জন্য দুর্বল হয়ে যায় । কারণ, মাতৃগর্ভে একটি নির্দিষ্ট তাপমাত্রা থেকে বের হওয়ার পরেই এই প্রচণ্ড ঠাণ্ডা পানি অত্যন্ত ভয়াবহ অবস্থার সৃষ্টি করে । এক্ষেত্রে করণীয় হচ্ছে- বাচ্চার মুখ ও নাকের ময়লা পরিষ্কার করে নাক ও মুখে ফুঁ দেওয়া । এতে দম বা শ্বাস খুলে যাবে ইনশাআল্লাহ । এই সাধারণ নিয়মটা জানা না থাকার কারণে বাচ্চাকে বাঁচাতে গিয়ে ক্রমশঃ মৃত্যুর দিকে ঠেলে দেওয়া হচ্ছে ।

এ ছাড়াও আর একটি সমস্যা দেখা যায় যে, গবাদিপশু যদি না খায় বা গায়ের লোম ফুলে থাকে, তখন একটি পাত্রে রসুন ও পিয়াজের খোসা, মরিচের গুড়া ইত্যাদি সহ আরও কিছু লতাপাতা একত্রিত করে আঙুন ধরিয়ে পশুর নাকে ও মুখে ধোঁয়া দেওয়া হয় । ধারণা করা হয় যে, এতে পশুর মাথা পাতলা হবে এবং চারা করবে । কিন্তু এতে উপকারের চেয়ে ক্ষতিই বেশী হয় এবং ফুসফুস দ্রুত আক্রান্ত হয় । কাজেই আমাদের জেনে-শনে সাবধানতা অবলম্বন করতে হবে ।

কারণঃ

- (১) বিশেষ করে নিমোকক্কাস ও স্টেপটোকক্কাস ব্যাকটেরিয়া দ্বারা এই রোগ হয় ।
- (২) ভাইরাস দ্বারা এই রোগ হ'তে পারে ।
- (৩) ছত্রাক দ্বারা এই রোগ হ'তে পারে ।
- (৪) কৃমি দ্বারা এই রোগ হ'তে পারে ।
- (৫) রাসায়নিক পদার্থ দ্বারা এই রোগ হ'তে পারে ।
- (৬) ধূলা-বালি ও ঠাণ্ডাজনিত কারণে এই রোগ হ'তে পারে ।

লক্ষণঃ

- (১) প্রথমে পশুর জ্বর ও কাশি হয় ।
- (২) শ্বাস-প্রশ্বাস খুব দ্রুত হয় ও গায়ের রং কালচে হয় ।
- (৩) পশুর গায়ের লোম খাড়া থাকে ও মাথা ভারী থাকে ।

* ডি, এইচ, এম-এস, গবাদিপশু ও হাঁস-মুরগী পালনে প্রশিক্ষণ প্রাপ্ত, হোমিও রিসার্চ কর্ণার, তাহেরপুর বাজার, রাজশাহী ।

- (৪) খাওয়া ছেড়ে দেয় ও নাক দিয়ে শ্লেষ্মা পড়ে।
- (৫) পশু সহজেই শুইতে চায় না এবং আক্রান্ত পার্শ্ব ফুলা থাকে।
- (৬) পায়খানা শুকনো হয় এবং শ্লেষ্মা জড়ানো থাকে।
- (৭) বৃকে চাপ দিলে ব্যথা অনুভব করে।
- (৮) চোখ বসে যায় ও অসহায়ের মত তাকায়।
- (৯) স্টেথোস্কোপের সাহায্যে বক্ষ পরীক্ষা করলে শব্দ শুনা যায়।
- (১০) গাভীর দুধ কম হয় এবং বাছুরকে দুধ খেতে দিতে চায় না।
- (১১) পেট ফাঁগা থাকতে পারে।

নিউমোনিয়ার তিনটি অবস্থাঃ

প্রাথমিক অবস্থাঃ ১-৪ দিন পর্যন্ত এই অবস্থা চলতে থাকে। এ সময়ে ফুসফুসে রক্ত সঞ্চালন হয়ে জ্বর ও তাপমাত্রা বৃদ্ধি পায়। পশু শুইতে চায় না।

দ্বিতীয় অবস্থাঃ ৪-৬ দিনের মধ্যে দ্বিতীয় অবস্থা শুরু হয়। এ সময়ে ফুসফুস লিভারের মত শক্ত হয়ে যায় এবং শ্বাস গ্রহণে অত্যন্ত কষ্ট হয়। তাপমাত্রা কমে যায়।

তৃতীয় অবস্থাঃ ৭-১০ দিনের মধ্যে তৃতীয় অবস্থা আসতে পারে। এ সময়ে ফুসফুসে পুঁজ জমা হয়ে পশু মারা যেতে পারে।

সেবা-যত্নঃ

গবাদিপশুর উপরোক্ত লক্ষণগুলি দেখার সঙ্গে সঙ্গে সহজ পাচ্য খাদ্যের ব্যবস্থা করতে হবে। পশুর শোয়ার স্থানে নরম খড়কুটা ও ছালা বিছিয়ে দিতে হবে, যাতে পশুর শুইতে কষ্ট কম হয়। ঘরে যেন অতিরিক্ত গরম বা ঠাণ্ডা না লাগে, সেই ব্যবস্থা করতে হবে। পরিষ্কার ও সামান্য গরম পানির ব্যবস্থা করতে হবে। অনভিজ্ঞ লোকের পরামর্শ না নিয়ে দ্রুত অভিজ্ঞ ডাক্তারের পরামর্শ নিতে হবে।

চিকিৎসাঃ

(ক) এ্যালোপ্যাথিকঃ

যে কোন এন্টিবায়োটিক দ্বারা চিকিৎসা করা যায়। এন্টিহিস্টামিনও প্রয়োজন হ'তে পারে। পশুর শরীরের ওয়ানের উপর নির্ভর করে ঔষধের মাত্রা নির্ধারণ করতে হবে। এন্টিবায়োটিকগুলির মধ্যে (১) প্রোন্যাপিন ৪০ লক্ষ (২) রেনামাইসিন (৩) ভেসাডিন বা যেকোন সালফা গ্রুপের ঔষধ কার্যকর। বড়ি বা ট্যাবলেট হিসাবে ট্রিমাভেট, ট্রিনামাইড, ভেসাডিন, ট্রাই সালফা, ট্রাইভেট ইত্যাদি ব্যবহার করা যায়।

(খ) হোমিওপ্যাথিকঃ

- (১) Belladonna ৩০/২০০ শক্তিঃ প্রাথমিক অবস্থায়, যখন জ্বর, কাশি এবং নাক দিয়ে পানি পড়া, পশুর গায়ের লোম ফুলে থাকা, খেতে না চাওয়া ইত্যাদি লক্ষণে ব্যবহার্য।
- (২) Bryonia ৩০/২০০ শক্তিঃ পায়খানা কষা, কাশিতে বৃকে ব্যথা, নড়াচড়া করতে চায় না, দাঁড়িয়ে থাকতে চায় ইত্যাদি লক্ষণে ব্যবহার্য।
- (৩) Antrimtert ৩x/৩০ শক্তিঃ পশুর গলার মধ্যে ঘড় ঘড় শব্দ থাকা, জিহ্বাতে ময়লা থাকা, বৃকের মধ্যে কফ জমা আছে মনে হওয়া, শ্বাস বন্ধ হওয়ার উপক্রম ইত্যাদি লক্ষণে ব্যবহার্য।

(৪) Arsenic alb ৩০/২০০ শক্তিঃ অস্থির ভাব, অধিক পিপাসা, গায়ের রং কালচে হয়ে যাওয়া, শ্বাস কষ্ট, অঙ্গ-প্রত্যঙ্গ ঠাণ্ডা হওয়া ইত্যাদি লক্ষণে ব্যবহার্য।

(৫) Cerbo veg ৩০/২০০ শক্তিঃ পশুর সর্বাঙ্গ ঠাণ্ডা সহ পেট ফাঁপা ও পাতলা পায়খানা, কাশি, চোখগুলি বসে যাওয়া ইত্যাদি লক্ষণে ব্যবহার্য।

(৬) Merk sol ৩০/২০০ শক্তিঃ পশুর পাতলা ও রক্ত আমাশয় যুক্ত পায়খানা সহ শ্বাসকষ্ট, মুখ দিয়ে লাল পড়া ইত্যাদি লক্ষণে ব্যবহার্য। এতদ্বতীত ইপিকাক, ফসফরাস, আর্স-আয়োড, কষ্টিকাম ইত্যাদি ঔষধ লক্ষণ ভেদে প্রয়োগ করা যায়।

ব্যবহারের নিয়মঃ

হোমিওপ্যাথিক ঔষধগুলি ১০ ফোঁটা ঔষধ ১ পোয়া/২৫০ সি.সি পরিষ্কার পানির সঙ্গে মিশিয়ে ৩/৪ ঘন্টা পরপর খাওয়াতে হবে।

সতর্কতাঃ

- (১) পশুকে অতিরিক্ত ঠাণ্ডা ও সৈঁতসেঁতে স্থানে রাখা যাবে না।
 - (২) অতিরিক্ত রোদ থেকে এনেই সঙ্গে সঙ্গে গোসল করানো যাবে না। ঠাণ্ডা হওয়ার পরে গোসল করাতে হবে। গোসলের পানি পরিষ্কার হ'তে হবে।
 - (৩) ছাগল ও মুরগীকে পানিতে বা বৃষ্টিতে ভিজানো যাবে না। কারণ, এদের অল্পতেই শ্বাস কষ্ট হয়।
 - (৪) সদ্য প্রসূত বাচ্চার নাভিতে বা শরীরে পানি ঢালা যাবে না।
 - (৫) সর্দি ভাব দেখলে কোন প্রকার ধোঁয়া দেওয়া যাবে না।
 - (৬) কলা ও আলু গাছ খাওয়ানো যাবে না।
 - (৭) ছাগল ও বাছুরকে অতিরিক্ত কুয়াশার মধ্যে মাঠে খাওয়ানো যাবে না।
- অতএব আসুন! গবাদিপশু ও হাঁস-মুরগী আমাদের মূল্যবান সম্পদ হেতু যথাসময়ে এদের যত্ন ও চিকিৎসার ব্যবস্থা করতে সচেষ্ট হই।

(খ) মোরগ-মুরগীর বসন্ত রোগ

বসন্ত একটি ভাইরাসজনিত রোগ। আমাদের দেশে শীতের শেষে এ রোগের প্রাদুর্ভাব বেশী দেখা যায়। গ্রামের কিছু লোকের ধারণা যে, সরিষা খাওয়ার কারণে এই রোগ হয়। এ ধারণা মোটেও সঠিক নয়।

রোগ বিস্তারঃ সাধারণত আক্রান্ত মোরগ-মুরগী থেকে বাতাসে ও সংস্পর্শে এই রোগ সংক্রামিত হয়।

লক্ষণঃ

- (১) হঠাৎ করে মুরগী খাওয়া কমিয়ে দেয়।
- (২) গায়ে জ্বর থাকে ও নিস্তেজ মনে হয়।
- (৩) চোখে-মুখে ও ঝুঁটিতে ফুসকুড়ি দেখা যায়।
- (৪) মাথার ঝুঁটি কালো হয়ে যায় ও ঝুলে পড়ে।
- (৫) ২/৩ দিনের মধ্যে ফুসকুড়ি পেকে যায় ও পুঁজ হয়।
- (৬) চোখের মধ্যে ফুসকুড়ি হ'লে চোখ নষ্ট হয়ে যায়।
- (৭) ডিম পাড়া মুরগী ডিম বন্ধ করে দেয়।
- (৮) অবশেষে খাওয়া বন্ধ হয়ে মারা যায়।

গল্পের মাধ্যমে জ্ঞান

(ক) লোভী বণিক

-মুহাম্মাদ আতাউর রহমান*

চিকিৎসাঃ

- (১) প্রথমে আক্রান্ত মোরগ-মুরগীকে পৃথক করে চিকিৎসা শুরু করতে হবে।
- (২) পটাশ পারম্যাঙ্গানেট অথবা মারকিউরিক্রোম মিশ্রিত পানিতে তুলে ডুবিয়ে আক্রান্ত মুরগীর মুখমণ্ডল এবং আক্রান্ত অন্যান্য স্থান দিনে ২/৩ বার মুছে দিতে হবে।
- (৩) ঔষধের মাত্রা বুকে ৩/৪ ঘন্টা পর পর ঔষধ ঝাওয়াতে হবে।
- (৪) হোমিওপ্যাথিক ঔষধের মধ্যে নিম্ন লিখিত ঔষধগুলি লক্ষণ ভেদে খাওয়ানো যায়।-
- (ক) **Acconite Nep** (একোনাইট ন্যাপ) ৩০/২০০ শক্তিঃ রোগের প্রাথমিক অবস্থায় যখন জ্বর থাকে, ঘন ঘন পানি খাওয়া বুঝা যায়, তখন খাওয়াবে।
- (খ) **Antrim tert** (এন্ট্রিম টার্ট) ৬/৩০ শক্তিঃ গুটিগুলি বের হওয়ার সময় শ্বাসকষ্ট বুঝা গেলে এবং হাঁ করে শ্বাস নিতে থাকলে প্রয়োগ করা যায়।
- (গ) **Kalimure** (ক্যালিমিউর) ২০০ শক্তিঃ গুটিগুলি শুকিয়ে যাওয়ার জন্য খাওয়াবে।

প্রতিকারঃ

- (১) ইংরেজীতে একটি কথা আছে, Prevention is better the cure 'রোগ আরোগ্যের চেয়ে রোগ প্রতিরোধ করাই উত্তম'। তাই সব সময় সুস্থ পশু-পাখীকে পৃথক রাখতে হবে।
- (২) সুস্থগুলি যাতে আক্রান্ত না হয়, সে জন্য ম্যালেনড্রিনাম ২০০ শক্তি ঔষধ আগেই খাওয়াতে হবে। ৭ দিনে ১ বার হিসাবে ২/৩ বার।
- (৩) মনে রাখা দরকার যে, যারা বসন্ত রোগাক্রান্ত পশু-পাখি বা মানুষের চিকিৎসা ও সেবায়ত্ন করবেন তাদেরকেও ঐ ম্যালেনড্রিনাম ২০০ শক্তি ঔষধ খাওয়ানো একান্ত প্রয়োজন।
- (৪) আক্রান্ত পশু-পাখির আবাসস্থল প্রতিদিন জীবাণু নাশক দ্বারা পরিষ্কার করতে হবে।
- (৫) কোন সুস্থ পশু-পাখিকে হাটে বিক্রির জন্য নিয়ে গেলে অথবা হাট থেকে কিনে আনলে পৃথক ভাবে ১০/১২ দিন রাখার পরে বাড়ীর অন্যান্য সুস্থ পশু-পাখির সঙ্গে মিশাতে হবে। কারণ, ক্রয়কৃত বা ফেরত পশু-পাখির আগত জীবাণু দ্বারা সুস্থ পশু-পাখি আক্রান্ত হতে পারে।
- (৬) মোরগ-মুরগীকে সেন্টসেন্টে পরিবেশে রাখা যাবে না। আবদ্ধ ও খাঁচায় পোষা মোরগ-মুরগীকে সবুজ জাতীয় শাক-সবজি প্রচুর পরিমাণে খাওয়াতে হবে।

বাদশাহ হারুপুর রশীদ নগর ভ্রমণে বেরিয়েছেন। এক অন্ধ ফকীর তার কাছে ভিক্ষা চাইল। তিনি ফকীরকে ভিক্ষা দিলেন। ফকীর ভিক্ষা পাবার পর স্বীয় কপালে সজোরে আঘাত করতে বলল। বাদশাহ আঘাত করতে ইতস্ততঃ করলে, ফকীর বলল, কপালে আঘাত না করলে দান ফিরিয়ে নিন। বাদশাহ অগত্যা তার কপালে মৃদু আঘাত করলেন। বাদশাহ বুঝলেন, এ ফকীরের নিশ্চয়ই কিছু জীবনেতিহাস আছে। তাই তিনি দরবারে এসে ফকীরকে ডাকলেন এবং জিজ্ঞেস করলেন, 'তুমি ভিক্ষা পাবার পর কপালে আঘাত করতে বললে কেন?'

ফকীর তখন তার জীবনের ঘটনা বলতে শুরু করল। ফকীর বলল, 'আমি এই বাগদাদ শহরের একজন বড় ব্যবসায়ী ছিলাম। ব্যবসা পরিচালনার জন্য আমার ৪০টি উট ছিল। একদিন আমি ৪০টি উটে মাল বোঝাই করে দূরের এক শহরে মাল বিক্রি করে ফিরছিলাম। দেখলাম, পথে একটি গাছের ছায়ায় একজন ফকীর বসে আছে। আমিও খাবার জন্য ঐ গাছের নীচে বসলাম। আমরা দু'জনে মিলে খাওয়া-দাওয়া করলাম। ফকীরের সাথে আমার কিছুটা হৃদয়তা হয়ে গেল। ফকীর বলল, সামনের ঐ পাহাড়ের অভ্যন্তরে প্রচুর গুপ্তধন রয়েছে। আমি ছাড়া আর কোন ব্যক্তি এর সন্ধান জানে না। ফকীরের সাথে চুক্তি হ'ল যে, সে ২০টি উটে মাল বোঝাই করবে, আর আমি ২০টি উটে মাল বোঝাই করব। অতঃপর আমরা দু'জনে উটগুলি নিয়ে পাহাড়ের কাছে পৌঁছলাম এবং সুড়ঙ্গ পথে উটগুলি প্রবেশ করিয়ে কিছুদূর অগ্রসর হয়ে দেখলাম, সেখানে এত সম্পদ স্তুপীকৃত অবস্থায় রয়েছে যে, ৪০টি কেন ১০০টি উটও বহন করে নিতে পারবে না।

অতঃপর আমি ২০টি উটে মাল বোঝাই করলাম। ফকীরও ২০টি উটে মাল বোঝাই করল। হঠাৎ দেখলাম, ফকীর কৌটার মত কি যেন একটা কুড়িয়ে নিল। আমরা বের হয়ে এলাম। পথ চলতে চলতে আমার মনে হতে লাগল, এ ভাগ ঠিক হয়নি। তাই আমি ফকীরকে বললাম, তুমি ফকীর মানুষ, এত সম্পদে তোমার কি কাজ? আমাকে ১০টি উট ফিরিয়ে দাও। ফকীর তৎক্ষণাৎ ১০টি উট দিয়ে দিল। স্ফাণিকপরে আবার আমার মনে হতে লাগল, ফকীরের অর্থের কি প্রয়োজন আছে? তাই তাকে বললাম, তুমি সংসারত্যাগী ফকীর। তোমার অর্থের কি দরকার? অবশিষ্ট ১০টি উট আমাকে দিয়ে দাও। ফকীর মোটেও আপত্তি করল না। আমি ৪০টি উট নিয়ে পথ চলতে লাগলাম। কিছু দূর অগ্রসর হয়ে আমার মনে সন্দেহ দেখা দিল। ফকীর এত সহজেই আমাকে সবগুলি উট ফিরিয়ে দিল কেন? আমার মনে হ'ল, ফকীর যে কৌটাটা কুড়িয়ে পেয়েছে নিশ্চয়ই এর কিছু তাৎপর্য আছে। আমি ঐ কৌটার বিষয় জানতে ফকীরের নিকট ফিরে আসলাম এবং এ বিষয়ে তাকে জিজ্ঞেস করলাম। ফকীর বলল, ঐই কৌটায় এক প্রকার মলম রয়েছে। যা ডান চোখে লাগালে মাটির অভ্যন্তরে কোথায় কি সম্পদ লুক্কায়িত আছে সবই স্পষ্ট দেখা যাবে। আবার বাম চোখে লাগালে সাথে সাথে দুই চোখ অন্ধ হয়ে যাবে।

* সাং- সন্ন্যাসবাড়ী, পোঃ- বান্দাইখাড়া, নওগাঁ।

ফোন- ()

HOTEL ASIA
(RESIDENTIAL)

হোটেল
আবাসিক

- মনোরম পরিবেশ
- রুচিসম্মত আবাসিক
- গাড়ি পার্কিং-এর সু-

ইয়াসিন সুপার মার্কেট, স্টেশন রোড, গোরহাঙ্গা, রা

কার্বিতা

আলোর আলো

-শরীফুল ইসলাম মুহাম্মাদী
গ্রাম- জাইগীর গ্রাম
ডাক- কানসার্ট
শিবগঞ্জ, চাঁপাই নবাবগঞ্জ।

আর কতদিন দেবী?
আসবে আমার কাছে, হয়ে আমারি,
হে মোর অদেখা বন্ধু প্রিয়, নাশিতে বিভাবরী,
আর কতদিন দেবী?

আর কতদিন দেবী?
ধর্মের নামে যত গায় কুহেলিকা
মান করেছ আলোর আলোক দীপিকা
যায় না বুঝা শিরক, নিফাক, বিদ'আত
একি মহা প্রলয়েরই আলামাত!
যতসব ধর্মের আবর্জনা একে একে,
দিনে দিনে থেকে থেকে,
তোমাকে

শুধু তোমাকে
দূর করতে হবে আলোক বিচ্ছুরি।
আর কতদিন দেবী?

আর কতদিন দেবী?
যালেমের যুলুম,
মযলুম ছাহেবে-মা'লুম,
নীরব সবাই, কহেনা কথা,
বুঝেও বুঝে না ব্যথা,
পারিনা সহিতে দেখে শুনে,
অনেক দিন হ'ল তোমার পথ চেয়ে আঁখি ঝরে।
কাটে সময়, দিন গণে গণে।
সাথী হও আমি একা,
দেখে যাও, লেখো লেখা!
অন্যায় যেখানে তোল প্রতিবাদ গগন বিদারী!

আর কতদিন দেবী?
আর কতদিন দেবী?
গহীন সায়েরে মহাসত্য সূর্য,
নিমজ্জিত প্রায় বাজে না তুর্য,
উঠেনা দিকে দিকে রনিরানি,
বাতাসে বাতাসে স্বনি স্বনি;
আবির ফাগে রক্তের পোষাক পরে,
চুপি চুপি বলছ মোরে,
সাত সাগর পাড়ি দিয়া,
রহ আসিছি হে মোর বন্ধু প্রিয়া
হয়ে দারুণ গর্ভে পুঞ্জিত সত্য লাভ
করতে উদগীরণ আগ্নেয়গীরি।
দেবী নাই, আর নাই দেবী!

প্রস্তুত থেক, হে দুর্দম সত্য স্বপুচারী!
আর নাই দেবী?

আর নাই দেবী।

সত্য পথের আমি নির্ভিক সেনানী,
কেবা আরবী, কেবা কেনানী,
আমার থাকবেনা বিচার, দেমাগ
সবার জন্য রবে আমার চিত্ত সজাগ
ধর্ম-দেশ-জাতি মুক্তির তরে,
বলব কথা নির্ভয়ে নির্ভরে,
জলোচ্ছাসে, ঘূর্ণি ঝড়ে,
কী-দিন, কী অন্ধকারে,
আমি অতন্দ্র প্রহরী।
সাত সাগরের কাভারী
দেবী নয়, আসিছি বন্ধুমম, আঁধারের বোরকা উতারী।
আর নাই দেবী!!

আজকের শিশু

-আব্দুল মুনায়েম
সোনাডাঙ্গা জমিদারবাড়ী
বাগমারা, রাজশাহী।

আজকের শিশু
উৎসুক চোখে টোকা মারে আকাশে
নেই কোন সাড়া শিশু বলে,
অহংকার কর ভাই! আমার আকাশ তুমি,
হতেও পার কার জমিন!
ডুব দেয় সাগরে,
কুঁড়ে আনে মণি-মুক্তা যহরত;
দেখে ইতিহাস, আজগুবি কথা সব
মিল নেই কোন খানে।
আমি বলি চেয়ে দেখ বাস্তবে
অপসংস্কৃতি আর বিদেশী সজ্জায়
গাল ভরা গল্পে, ছুটে চলে লুটেরা
চিনে রাখ আজকের শিশুরা।

হোটেল বাহিম ইন্টারন্যাশনাল

(আবাসিক)

- শীতাতপ নিয়ন্ত্রিত কক্ষ
- সুসজ্জিত এ্যাটাচস বাথ
- PABX টেলিকম

আন্তরিক অতিথেয়তার পূর্ণ নিশ্চয়তার নির্ভরযোগ্য আবাসিক হোটেল

গাগক পাড়া, জাহেব বাজার, রাজশাহী।

ফোনঃ- ৭৭৬১৮৮, ৭৭১৮০৮

৮৮-০৭২১-৭৭৫৬২৫

মুসলিম জাহান

ঈদের ছালাত আদায়ে বাধা প্রদান ॥ গুলিতে নিহত ২৫, আহত শতাধিক

পবিত্র রামাযান মাসের হিয়াম সাধনার পর বিশ্বের প্রায় সর্বত্র কোটি কোটি মুসলমান পরম খুশির 'ঈদুল ফিতর' উদযাপন করলেও প্রতিবেশী দেশ মায়ানমারের আরাকান অঞ্চলের হাযার হাযার রোহিঙ্গা মুসলমান ঈদ উদযাপন করতে পারেনি। সীমান্তের ওপার থেকে বিভিন্ন সূত্রে প্রাপ্ত তথ্যে একথা জানা গেছে।

প্রাপ্ত তথ্যে জানা গেছে, মুসলিম প্রধান আরাকান রাজ্যের বিভিন্ন জায়গায় বর্মী সামরিক জাভা মুসলমানদের ঈদ সমাবেশে বাধা প্রদান করে। কয়েক স্থানে সামরিক বাধা উপেক্ষা করে মুসলমানরা ঈদের ছালাত আদায় করার জন্য ঈদগাহে উপস্থিত হওয়ার চেষ্টা করলে সামরিক বাহিনী নিরস্ত্র মুছল্লীদের উপর গুলীবর্ষণ করে। এতে ২৫ জন নিহত এবং শতাধিক মুসলমান আহত হয়।

সূত্র মতে জানা গেছে, ঈদের দিন সকালে বুছিদং ও রাছিদং এলাকার ৯/১০টি গ্রামের কয়েক হাযার মুসলমান ঈদের ছালাত আদায়ের জন্য জমায়েত হ'তে থাকলে শান্তি ভঙ্গের আশংকায় বর্মী সৈন্যরা তাদের বাধা দেয়। মুছল্লীরা সৈন্যদের মিথ্যা অভিযোগ প্রত্যাখ্যান করে ঈদগাহে জমায়েত হ'তে থাকলে সৈন্যরা তাদের উপর গুলীবর্ষণ করে। এতে ঘটনাস্থলেই শিশুসহ ২৫ জন নিহত এবং শতাধিক মুছল্লী আহত হয়।

ফিলিস্তিনী জনগণকে রক্ষার জন্য আন্তর্জাতিক সম্প্রদায়কে পদক্ষেপ গ্রহণ করতে হবে

-জিসিসি

তেলসমৃদ্ধ ৬টি উপসাগরীয় দেশ ফিলিস্তিনী শান্তি আলোচনা প্রক্রিয়ায় ফিলিস্তিনীদের প্রতি পূর্ণ সমর্থন ব্যক্ত করেছে এবং দাবী করেছে যে, ফিলিস্তিনী জনগণকে রক্ষার জন্য আন্তর্জাতিক সম্প্রদায়কে পদক্ষেপ গ্রহণ করতে হবে। মানামায় উপসাগরীয় সহযোগিতা পরিষদ 'জিসিসি'র শীর্ষ বৈঠক শেষে চূড়ান্ত ঘোষণায় সউদী আরব, কুয়েত, বাহরায়েন, কাতার, ওমান ও সংযুক্ত আরব আমিরাতের নেতৃবৃন্দ মার্কিন উদ্যোগে মধ্যপ্রাচ্য শান্তি পরিকল্পনার কাঠামোয় কার্যরত ফিলিস্তিনী আলোচনাকারীদের প্রতি পূর্ণ আস্থা ব্যক্ত করেন। তারা আন্তর্জাতিক সম্প্রদায়কে ইসরাঈলের প্রতি ১৯৯১ সালের মাদ্রিদ সম্মেলনের নীতিমালা মেনে চলতে চাপ দেয়ার আহ্বান জানান। জিসিসি জনগণকে সুরক্ষা প্রদানের ব্যবস্থা করতে আন্তর্জাতিক সম্প্রদায়ের প্রতি আহ্বান জানান। ঘোষণায় অধিকৃত এলাকাগুলো থেকে ইসরাঈলীদের অপসারণের দাবী জানানো হয়। এতে উপসাগরীয় অঞ্চল ও মধ্যপ্রাচ্যকে পারমাণবিক বোমাসহ সব ধরনের গণবিধ্বংসী অস্ত্রমুক্ত ঘোষণা করার দাবী জানানো হয়।

বিশ্বের বৃহত্তম কার্পেট এখন ওমানে

৩১ কোটি টাকা মূল্যের বিশ্বের বৃহত্তম কার্পেট ইরান থেকে ওমানে পাঠানো হয়েছে। কার্পেটটির উপরিভাগ ৫ হাযার বর্গমিটার এবং এর ওজন হচ্ছে ২২ টন। প্রায় ৩১ কোটি টাকা মূল্যের এই বিশ্বয়কর কার্পেটে রয়েছে ১৭০ কোটি গ্রন্থি। তিন

বছরে ৫০০ বয়নকারী কার্পেটটি বুনেছে। ওমানের রাজধানী মসকটে কাবুস গ্র্যান্ড মসজিদে এই কার্পেট ব্যবহৃত হবে। সম্পূর্ণ ইরানী ঐতিহ্যে তৈরী এই কার্পেটের নকশা করতে প্রায় ৮ মাস সময় লেগেছে। এতে রয়েছে ৪২টি খণ্ড। বৃহত্তম খণ্ডের মাপ ১২শ' বর্গমিটার এবং ক্ষুদ্রতম খণ্ডের মাপ ২৪ বর্গমিটার।

জর্দানের বাদশাহ নিজ জমি বিক্রি করে সৈন্যদের বর্ধিত বেতন দিবেন

জর্দানের ১ লাখ শক্তিশালী সামরিক বাহিনীর বর্ধিত খরচ মিটানোর লক্ষ্যে সে দেশের বাদশাহ আব্দুল্লাহ দ্বিতীয় কিছু নিজস্ব জমি বিক্রি করে তা পূরণ করবেন। এভাবে তিনি জাতীয় বাজেটের ৪০ কোটি দীনার (৫৬ কোটি ৩০ লাখ ডলার) ঘাটতি পুষিয়ে নেবেন। এ খবরটি সে দেশের ৩টি পত্রিকায় প্রকাশ করা হয়েছে। তিনি বলেন, দেশের সেনাবাহিনী আধুনিক করণের বিষয়ে তাঁর পরিকল্পনা ২০০১ সালের বাজেটে অর্থাভাবে ভেঙে যাবার উপক্রম হয়েছে। কারণ বাজেটে ঘাটতি রয়েছে। এ ঘাটতি পূরণ করার জন্য তিনি তার নিজস্ব জমি বিক্রি করবেন বলে জানান।

আফগানিস্তানের বিরুদ্ধে জাতিসংঘের ব্যাপক অবরোধ আরোপ

জাতিসংঘ নিরাপত্তা পরিষদ আফগানিস্তানের ক্ষমতাসীন তালেবান সরকারের বিরুদ্ধে গত ১৯শে ডিসেম্বর ব্যাপক ভিত্তিক অবরোধ আরোপ করেছে। এদিকে তালেবান কর্তৃপক্ষ জাতিসংঘের এই অবরোধকে প্রত্যাখ্যান করে এই সংস্থাকে ইসলামের শত্রু বলে বর্ণনা করেছে। নিরাপত্তা পরিষদ আফগানিস্তানের বিরুদ্ধে অস্ত্র নিষেধাজ্ঞা আরোপ এবং ইতিমধ্যেই বিদ্যমান বিমান অবরোধ আরো জোরদার করেছে। যুক্তরাষ্ট্র ও রাশিয়া যৌথভাবে জাতিসংঘের এই নিষেধাজ্ঞা প্রস্তাব উত্থাপন করে এবং ১৩-০ ভোটে তা গৃহীত হয়। চীন ও মালয়েশিয়া ভোট দানে বিরত থাকে। তাদের অভিমত হচ্ছে, এই নিষেধাজ্ঞার ফলে সাধারণ আফগান নাগরিকদের দুঃখ-দুর্দশা আরো বৃদ্ধি পাবে। জাতিসংঘ বলেছে, ওসামা বিন লাদেনকে হস্তান্তর এবং সন্ত্রাসী ঘাঁটি বন্ধ না করা পর্যন্ত এই নিষেধাজ্ঞা বহাল থাকবে।

দাঁতে কত শক্তি!

মালয়েশিয়ার জনৈক ব্যক্তি দাবী করেছেন যে, দেশের মধ্যে তার দাঁতই সবচেয়ে বেশী শক্ত। দাঁত দিয়ে রেলওয়ের একটি কোচ টেনে তিনি স্থানীয় পর্যায়ে রেকর্ড সৃষ্টি করার পর তিনি এ দাবী করেন। ৩৫ বছর বয়স্ক ভি. রাধাকৃষ্ণন ৩৭.৩৫ টনের একটি কোচ ৮.৩৭ মিটার টেনে নিয়ে এই রেকর্ড গড়েন। এতে তিনি সময় নেন ৪ মিনিট। মালয়েশিয়ার রাজধানী কুয়ালালামপুরের নিকটবর্তী ফ্লাং শহরে হর্ষোৎফুল্ল দর্শকদের সামনে তিনি এ কাণ্ড ঘটান। এর আগে ১৯৯৫ সালে ১০.৮ টন ওয়নের একটি বাস ৫.১২ মিটার টেনে নিয়ে তিনি প্রথম রেকর্ড তৈরী করেন। তার এই দু'টি রেকর্ডই মালয়েশিয়ার বুক অব রেকর্ড-এ অন্তর্ভুক্ত হয়েছে। রাধাকৃষ্ণন দাবী করেছেন, ঠাণ্ডায় আক্রান্ত না হ'লে তিনি ঐ রেলওয়ের কোচটি আরও খানিকটা টেনে নিতে পারতেন। এবার তিনি এ ব্যাপারে গড়া বিশ্বরেকর্ড ভেঙ্গে ফেলতে পারবেন বলে আশা করছেন। গিনেস বুক অব ওয়ার্ল্ড এর রেকর্ড অনুযায়ী একজন বেলজিয়াম নাগরিকের অধিকারে রয়েছে বিশ্বরেকর্ড। এ ব্যক্তি ১৯৯৬ সালে একসাথে রেলওয়ের ৮টি কোচ ৩.২ মিটার পর্যন্ত টেনে নিয়ে যান।

সংগঠন সংবাদ

পবিত্র কুরআন ও ছহীহ হাদীছের আলোকে দেশের শিক্ষা ব্যবস্থা টেলে সাজান

-আমীরে জামা'আত

বাঁকাল, সাতক্ষীরাঃ

গত ১৭ই ডিসেম্বর ২০০০ মোতাবেক ২০শে রামাযান রবিবার পূর্বাঞ্চে সাতক্ষীরা পৌরসভাধীন বাঁকাল ব্রীজের উত্তর পার্শ্বে অবস্থিত 'দারুল হাদীছ আহমাদিয়া সালাফিইয়াহ কমপ্লেক্সে' ছাত্রদের বার্ষিক পরীক্ষার ফলাফল, সাংস্কৃতিক প্রতিযোগিতা ও পুরস্কার বিতরণী উপলক্ষ আয়োজিত ছাত্র-শিক্ষক-অভিভাবক ও সুধী সমাবেশে প্রধান অতিথির ভাষণে মুহতারাম আমীরে জামা'আত ডঃ মুহাম্মাদ আসাদুল্লাহ আল-গালিব দেশের সরকার ও সংশ্লিষ্ট কর্তৃপক্ষের প্রতি উপরোক্ত আহ্বান জানান।

ভাষণের এক পর্যায়ে তিনি স্বীয় মরহুম পিতা মাওলানা আহমাদ আলী (৯৪)-এর স্মৃতিচারণ করে বলেন, আজীবন শিক্ষাব্রতী, লেখক, বাগী, সংগঠক ও সমাজ সেবক এই মহান সংস্কারক-এর মাধ্যমে বৃহত্তর খুলনা, যশোর, ফরিদপুর, ২৪ পরগণা, ছগলী, বর্ধমান প্রভৃতি এলাকায় শত শত আলোমে দীন ও পরহেয়গার ছাত্র মণ্ডলী সৃষ্টি হওয়া ছাড়াও তাঁর উদ্যোগে ১১টি দ্বীনী মাদরাসা ও ৫৫টি জামে মসজিদ প্রতিষ্ঠিত হয়। আহলেহাদীছদের মধ্যে বাংলা ভাষায় প্রথম 'বঙ্গানুবাদ খুৎবা' ও 'ছালাতুনবী' তিনিই লেখেন। তাঁর জীবদ্দশায় প্রকাশিত ১২টি ও আজও অপ্রকাশিত ৪টি পাণ্ডুলিপি সহ মোট ১৬টি বই তাঁর ব্যস্ত জীবনের তপ্ত স্মৃতি হিসাবে আমাদের নিকটে রক্ষিত আছে। তাঁর নেতৃত্বে পরিচালিত তামাক বিরোধী আন্দোলন, কবরপূজা বিরোধী আন্দোলন, বন্ধকী প্রথা বিলোপ আন্দোলন, আজও মুরব্বীদের স্মৃতিতে ভাঙ্গর হ'য়ে আছে। ছগলীর বাক্যেশ্বর বাহাছ, নিয়ত ও দরদ নিয়ে নলতার খান বাহাদুর আহসানুল্লাহর সঙ্গে হৃদয় গ্রাহী বিতর্ক, মায়হাবী গৌড়া মীর বিরুদ্ধে অন্তর্নিষ্ঠ কালিগঞ্জের বাহাছ প্রভৃতি তাঁর জীবনের সোনালী স্মৃতি হিসাবে রক্ষিত আছে। জীবন সন্ধ্যায় তাঁর সর্বশেষ অবদান ছিল পশ্চিম বঙ্গের হাকিমপুর জিহাদী মারকাযের বিপরীতে বাংলাদেশ সীমান্তে প্রতিষ্ঠিত কাকডাঙ্গা সিনিয়র মাদরাসা। যা আজও অগ্রগতির মধ্য দিয়ে দাঁড়িয়ে আছে। সেদিন তাঁকে হিংসুকদের কুটিল চক্রান্তের মোকাবিলা করতে হয়েছিল। কিন্তু তিনি কখনোই প্রতিশোধ নেননি। তিনি উপস্থিত ছাত্র ও শিক্ষকদেরকে এই মহান শিক্ষাব্রতী ও সমাজ সংস্কারক-এর আদর্শ জীবন হ'তে উপদেশ গ্রহণের আহ্বান জানান।

সুধী সমাবেশে অন্যান্যের মধ্যে বক্তব্য রাখেন 'আহলেহাদীছ আন্দোলন বাংলাদেশ' সাতক্ষীরা যেলা সভাপতি আলহাজ্জ মাষ্টার আব্দুর রহমান, কেন্দ্রীয় শূরা সদস্য আলহাজ্জ আবদুর রহমান, মুহতারাম আমীরে জামা'আতের বড় ভাই মৌঃ আবদুল্লাহিল বাকী, মাদরাসা কমিটির সহ-সভাপতি আলহাজ্জ এমদাদুল হক, যেলা প্রশিক্ষণ সম্পাদক মাওলানা আবদুল মান্নান ও মাওলানা আযীযুর রহমান সিদ্দীকী (খুলনা)। সভা পরিচালনা করেন মাদরাসার সুপার মাওলানা আহসান হাবীব।

প্রত্যেক গৃহকে পবিত্র কুরআন ও ছহীহ হাদীছের দুর্গ হিসাবে গড়ে তুলুন

-আমীরে জামা'আত

কেঁড়াগাছি, সাতক্ষীরাঃ

অদ্য ১৭ই ডিসেম্বর রবিবার বাদ আছর অত্র সীমান্তবর্তী গ্রামে নব নির্মিত আহলেহাদীছ জামে মসজিদ উদ্বোধনকালে আয়োজিত সুধী সমাবেশে মুহতারাম আমীরে জামা'আত ডঃ মুহাম্মাদ আসাদুল্লাহ আল-গালিব উপরোক্ত আহ্বান জানান। তিনি বলেন, মুসলমানের ঘরে ঘরে আজ শিরক ও বিদ'আতের ছড়াছড়ি। মসজিদগুলি ইবাদত খানা হওয়ার সাথে সাথে বিদ'আতখানায় পরিণত হ'তে চলেছে। কোন কোন মসজিদে প্রতি জম'আর ছালাতান্তে মীলাদের মজলিস চালু হয়েছে। এতদ্ব্যতীত কুলখানি, কুরআনখানি, লাখ কলেমা, শাবীনা খতম, মৃত্যু বার্ষিকী, জন্মবার্ষিকী শোকসভা ইত্যাদি সবকিছু এখন মসজিদে অনুষ্ঠিত হচ্ছে। আমাদের মসজিদ গুলিকে এসব থেকে অবশ্যই মুক্ত রাখতে হবে। সেই সাথে গ্রাম্য দলাদলি ও রাজনৈতিক দলাদলি থেকেও আমাদের দূরে থাকতে হবে। মসজিদ হবে ইবাদতের স্থান। শান্তি ও নিরাপত্তার স্থান।

তিনি পার্শ্ববর্তী সোনাই নদীর পশ্চিম তীরে অবস্থিত বৃটিশ শাসনের বিরুদ্ধে ইতিহাসখ্যাত জিহাদী মারকায পশ্চিম বঙ্গের সীমান্তবর্তী হাকিমপুরের দিকে ইঙ্গিত করে বলেন, এই মারকায থেকে শুধুমাত্র ইংরেজ শাসন উৎখাতের সংগ্রাম চালানো হয়নি। বরং মুসলিম সমাজে জেঁকে বসা শিরক ও বিদ'আতের বিরুদ্ধেও সংগ্রাম চালানো হয়। তারই জীবন্ত ফসল হিসাবে হাকিমপুরের আশপাশের কয়েক মাইল এলাকা এবং সোনাই নদীর উভয় তীরবর্তী পশ্চিম বঙ্গ ও বাংলাদেশ এলাকা আজও আহলেহাদীছ অধ্যুষিত বিশাল এলাকা হিসাবে পরিচিত। সেদিনের জিহাদী স্মৃতিকে অম্লান রাখতে হ'লে আমাদেরকে অবশ্যই দাওয়াত ও জিহাদের আপোষহীন পথে ফিরে আসতে হবে। ধর্মের নামে রাজনীতির নামে অর্থনীতির নামে সমাজের বৃকে জেঁকে বসা যাবতীয় ত্যাগী শক্তির বিরুদ্ধে রুখে দাঁড়াতে হবে। তিনি সেদিনের খৃষ্টান ইস্ট-ইন্ডিয়া কোম্পানীর প্রতিচ্ছায়া স্বরূপ বর্তমানকালের খৃষ্টান এন,জি,ও-দের মাধ্যমে গ্রামে-গঞ্জে পরিচালিত শিক্ষা ও সমাজকল্যাণের নামে সাংস্কৃতিক অগ্রাসরণ সম্পর্কে হুঁশিয়ার থাকার জন্য সকলের প্রতি আহ্বান জানান এবং সাথে সাথে নিজেদের গৃহগুলিকে পবিত্র কুরআন ও ছহীহ হাদীছের একেকটি দুর্গ হিসাবে গড়ে তোলার আহ্বান জানান।

সমাবেশে অন্যান্যের মধ্যে বক্তব্য রাখেন আহলেহাদীছ আন্দোলন বাংলাদেশ' সাতক্ষীরা যেলা সভাপতি আলহাজ্জ মাষ্টার আবদুর রহমান, সহ-সভাপতি মাওলানা ছহীলুদ্দীন, মাওলানা মুনীরুল হোদা ও দাতা সংস্থার চীফ ইঞ্জিনিয়ার মুহাম্মাদ হানীফ। জাগরণী পেশ করেন মুহাম্মাদ শফীকুল ইসলাম (জয়পুরহাট)।

MUKTI CLINIC (Pvt) Ltd.

Dr. S. M. A. MAMMAN

M.B.B.S. BHS (Ex)
General Physician

FOUNDER & MANAGING DIRECTOR
Laxmipur, Rajshahi-6000, Bangladesh
Phone: 774337, 775447

Vice President: BPMA Central Executive Committee, Dhaka

General Secretary, BPMA, Rajshahi,
President, Greater Rangpur Samity, Rajshahi
General Secretary, Clinic Association, Rajshahi.

পোস্ট বক্স নং- ৬৩৫৭

সালমানিয়া, কুয়েত।

হাঁসমারী, কাছিকাটা

গুরুদাসপুর, নাটোর।

উত্তরঃ এক মজলিসে তিন তালাক বায়েন কার্যকর হওয়ার কোন দলীল নেই। এক সাথে এক তুহরে শতাধিক তালাক প্রদান করলেও একটি মাত্র রাজস্গি তালাকই কার্যকর হবে। নবী করীম (ছাঃ), হযরত আবুবকর (রাঃ) ও হযরত ওমর (রাঃ)-এর খিলাফতের প্রথম দুই বা তিন বছরের দীর্ঘ সময়কাল পর্যন্ত এক মজলিসে তিন তালাক প্রদানকে মাত্র একটি রাজস্গি তালাক ধরা হ'ত (মুসলিম ৪৭৮ পৃঃ হা/১৪৭২ঃ দেওবন্দ ছাপাঃ ১৯৮৬ সাল, 'তিন তালাক' অনুচ্ছেদ)। পরবর্তীতে হযরত ওমর (রাঃ) যে এক মজলিসে তিন তালাক প্রদানকে তিন তালাকই কার্যকর করেছিলেন এটা ছিল উদ্ভূত সমস্যার প্রেক্ষাপটে একটি সাময়িক ইজতেহাদী ও প্রশাসনিক ফরমান মাত্র। তালাকের আধিক্য বন্ধ করার উদ্দেশ্যে তিনি এই কঠোরতা আরোপ করেছিলেন। এই ইজতেহাদী ভুলের জন্য তিনি শেষ জীবনে দারুণভাবে অনুতপ্ত হন। কারণ এতে কোন ফায়েদা হয়নি (ইবনুল কাইয়িম, ইগাছাতুল লাহফান ১/২৭৬-৭৭)।

অতএব, এই সাময়িক রাষ্ট্রীয় ফরমান কখনোই কুরআন ও সুন্নাহর স্থায়ী বিধানকে বাতিল করতে পারে না। সুতরাং উপরের তালাকপ্রাপ্তা মহিলাকে তার স্বামী ইচ্ছা করলে ইন্দত পূর্ণ হওয়ার পূর্বেই সাধারণভাবে ফিরিয়ে নিতে পারবেন। আর যদি ইন্দত অতিক্রম হয়ে যায়, তবে নতুন বিবাহের মাধ্যমে ফিরিয়ে নিতে পারবেন। -*বিস্তারিত দেখুনঃ নভেম্বর '৯৭ সংখ্যা ৯/২২ নং প্রশ্নোত্তর।*

প্রশ্ন (৬/১৪৬)ঃ গর্ভবতী মহিলা (১০ মাসের গর্ভবতী) মারা গেলে সিজারের মাধ্যমে বাচ্চা খালাস করা যাবে কি?

-*নিলুফার ইয়াসমীন
কামালের পাড়া
সাঘাটা, গাইবান্ধা।*

উত্তরঃ কোন গর্ভবতী মহিলা মারা গেলে তার পেটে জীবন্ত বাচ্চা আছে বলে নিশ্চিত হ'লে সিজারের মাধ্যমে বাচ্চা খালাস করা যাবে (ফিকহস সুন্নাহ ১/৩০১; ছালাতুর রাসূল (ছাঃ) ১২৬ পৃঃ)। অন্যথায় সিজার না করে দাফন করা শরীয়ত সম্মত।

প্রশ্ন (৭/১৪৭)ঃ যোহরের ফরয ছালাতের পর জনৈক মুফতী ছাহেব বললেন, ইমাম 'আব্বাহ আকবার'-এর 'বা' অক্ষরে এক আলিফ পরিমাণ টেনেছেন। সুতরাং আমাদের ছালাত হয় নাই। অতঃপর তিনি কতিপয় মুছল্লীকে নিয়ে পুনরায় ছালাত আদায় করেন। এক্ষণে প্রশ্ন- উপরোক্ত ক্রটির কারণে কি আমাদের ছালাত হয়নি? পবিত্র কুরআন ও ছহীহ হাদীছের আলোকে জানিয়ে বাধিত করবেন।

-*মুখতার হোসাইন*

উত্তরঃ প্রশ্নে উল্লেখিত সামান্য ক্রটিজনিত কারণে ছালাত হয়নি বলা এবং পুনরায় ছালাত আদায় করা সম্পূর্ণ সুন্নাহ বিরোধী কাজ। কেননা রাসূলুল্লাহ (ছাঃ) এরশাদ করেছেন, 'ইমামগণ যদি সঠিকভাবে ছালাত আদায় করেন তবে তা সবার জন্য। আর যদি ভুল করেন, তবে মুক্তাদীদের ছালাত হয়ে যাবে এবং ইমামগণের উপর ভুলের দায়-দায়িত্ব অর্পিত হবে' (বুখারী, মিশকাহ হা/১১৩৩ 'ইমামের উপর যা করণীয়' অনুচ্ছেদ)। অন্য হাদীছে আছে, 'ইমাম হ'লেন যামিন। সুতরাং যদি তিনি ভালভাবে ছালাত আদায় করেন, তবে সে ছওয়াব তার ও মুক্তাদীগণের। আর যদি মন্দভাবে ছালাত আদায় করেন, তবে তা কেবল তারই প্রতিকূলে যাবে, মুক্তাদীর নয়' (তিরমিযী, হাকেম, ছহীহুল জামে' আছ-ছাগীর হা/২৭৮৬)। সুতরাং আব্বাহ আকবার-র বলে এক আলিফ টানলে এই ভুলের জন্য শুধু ইমাম দায়ী হবেন। তবে সকলের ছালাত আদায় হয়ে যাবে।

প্রশ্ন (৮/১৪৮)ঃ ফের্কাবন্দীর উৎপত্তি কখন থেকে? বিশেষ করে মাযহাবী ফের্কার উৎপত্তি কখন থেকে এবং এর পরিণতি কি? ছহীহ দলীলের আলোকে জওয়াব দানে বাধিত করবেন।

-*এম, এস, রহমান
পইস্যাকা, নরসিংদী।*

উত্তরঃ তৃতীয় খলীফা হযরত ওহমান (রাঃ)-এর খিলাফতের শেষ দিকে বাহ্যিক মুসলমান ইহুদী সন্তান আব্দুল্লাহ বিন সাবা-এর কুটচক্রের মুসলমানদের মধ্যে সর্বপ্রথম সাবাস্গি ও ওহমানী দু'দলের সৃষ্টি হয় এবং বিদ্রোহী সাবাস্গি দলের হাতে তৃতীয় খলীফা শাহাদত বরণ করেন। পরবর্তীকালে হযরত আলী (রাঃ) ও মু'আবিয়া (রাঃ)-এর মধ্যে রাজনৈতিক দ্বন্দ্ব খারিজী ও শী'আ ফের্কার উৎপত্তি হয় ও পরে এটি মাযহাবী ফের্কার রূপ নেয়। এরপরে তাকুদীরকে অস্বীকারকারী ক্বাদারিয়া মতবাদ ও তার বিপরীত অদৃষ্টবাদী জাবরিয়া মতবাদের জন্ম হয়। দ্বিতীয় শতাব্দীতে প্রচলিত তাকুলীদের উদ্ভব ঘটে এবং তা চতুর্থ শতাব্দী হিজরীতে গিয়ে বিভিন্ন মাযহাবী ফের্কার রূপ নেয় (দেঃ শাহ ওলিউল্লাহ, হুজ্জা-তুল্লাহিল বালিগাহ, 'চতুর্থ শতাব্দী হিজরীর পূর্বকার লোকদের অবস্থা' শীর্ষক অধ্যায়)। ইমাম আবু হানীফা (রহঃ) (৮০-১৫০ হিঃ), ইমাম মালেক (রহঃ) (৯৩-১৭৯), ইমাম শাফেঈ (রহঃ) (১৫০-২০৪), ইমাম আহমাদ বিন হাম্বল (রহঃ) (১৬৪-২৪১) প্রমুখ ইমামগণ এজন্য দায়ী ছিলেন না; বরং তারা সকলেই তাদের অনুসারীদেরকে পবিত্র কুরআন ও ছহীহ হাদীছ অনুযায়ী আমল করতে বলে গেছেন (শারানী, কিতাবুল মীযান ১/৭৩ পৃঃ)।

ফের্কাবন্দীর পরিণতি খুবই ভয়াবহ। নবী করীম (ছাঃ) বলেন, 'বনী ইসরাঈলরা ৭২ ফের্কার বিভক্ত হয়েছিল; আর আমার উম্মত ৭৩ ফের্কার বিভক্ত হবে। এদের একটি দল

ব্যতীত সকল ফের্কা জাহান্নামে যাবে। নবী (ছাঃ)-কে জিজ্ঞেস করা হ'ল মুক্তিপ্রাপ্ত দল কোনটি? তিনি বললেন, আমি ও আমার ছাহাবীগণ যে তরীকার উপরে রয়েছি, সেই তরীকার যারা অনুসারী হবে' (আহমাদ, আবুদাউদ হা/১৭২ সনদ ছহীহ)।

প্রশ্ন (৯/১৪৯): আমার স্বামীকে 'টাই' ব্যবহার করতে নিষেধ করলে তিনি উত্তর দেন যে, এটি একটি পোষাক মাত্র। 'টাই' ব্যবহারে কোন দোষ নেই। অতএব টাই সম্পর্কে শরীয়তের হুকুম জানিয়ে বাধিত করবেন।

-নাম প্রকাশে অনিচ্ছুক
আগড়াকুল্লা
কুমারখালী, কুষ্টিয়া।

উত্তর: 'টাই' অমুসলিমদের পোষাক। বিশেষ করে খৃষ্টানদের একটি ধর্মীয় পোষাক। সুতরাং অমুসলিমদের ধর্মীয় পোষাক ইসলামী শরীয়তে নাজায়েয। নবী করীম (ছাঃ) 'আমর ইবনুল আছ (রাঃ)-এর গায়ে দু'টি মোআছফার পোষাক (এক প্রকার লাল কাপড়) দেখে বলেছিলেন, নিশ্চয়ই এটি কাফেরদের পোষাকের অন্তর্ভুক্ত। সুতরাং তুমি এ দু'টি পরিধান করবে না' (মুসলিম হা/৪৩২৭ 'পোষাক' অধ্যায়)। অন্য হাদীছে নবী করীম (ছাঃ) এরশাদ করেন, 'যে ব্যক্তি কোন বিজাতির সাদৃশ্য অবলম্বন করবে, সে তাদেরই অন্তর্ভুক্ত বলে গণ্য হবে' (আবুদাউদ 'পোষাক' অধ্যায়)। কাফেরদের সাথে সাদৃশ্যের দৃষ্টিকোণ থেকে ও বর্ণিত দলীলের আলোকে মুসলমানদের 'টাই' না পরা উচিত।

অপরদিকে 'টাই' পরা খৃষ্টানদের নিছক কালচার নয় বরং তারা একে 'ক্রশ'-এর চিহ্ন হিসাবেও গলায় ঝুলিয়ে রাখে। অতএব একজন মুসলমানের জন্য টাই পরা কখনোই শোভনীয় হ'তে পারে না।

প্রশ্ন (১০/১৫০): খরগোশের গোশত খাওয়া জায়েয কি? পবিত্র কুরআন ও ছহীহ হাদীছের আলোকে জানতে চাই।

-মুহাম্মাদ দবীরুদ্দীন
গ্রাম+পোঃ ভূষণছড়া
খানা- বরকল, রাঙ্গামাটি।

উত্তর: খরগোশের গোশত খাওয়া জায়েয। হযরত আনাস (রাঃ) বলেন, 'মাররুয যাহরান' নামক স্থানে আমরা একটি খরগোশ ধাওয়া করলাম। সাথী লোকজন অনেক চেষ্টা করে ক্লাস্ত হয়ে পড়লেন। অবশেষে আমি একে ধরে ফেললাম এবং আবু ত্বালহার নিকট নিয়ে গেলাম। তিনি সেটিকে যবেহ করলেন ও তার রান দু'টি কিংবা তার সামনের পা দু'টি নবী করীম (ছাঃ)-এর জন্য 'হাদিয়া' স্বরূপ পাঠিয়ে দিলেন। তিনি তা গ্রহণ করলেন' (বুখারী ২/৮৩০)।

প্রশ্ন (১১/১৫১): হযরত আয়েশা (রাঃ) বর্ণিত, রাসূলুল্লাহ

(ছাঃ) বললেন, আল্লাহ তা'আলা মধ্য শা বানের রাত্রিতে নিম্ন আকাশে নেমে আসেন এবং কলব গোত্রের বকরীর পশমের চেয়েও বেশী সংখ্যক লোককে ক্ষমা করেন'। উক্ত হাদীছটিকে আপনারা যঈফ বলেছেন। হাদীছটি কিভাবে যঈফ হ'ল জানতে চাই।

-মাওলানা হানাতুল্লাহ
দক্ষিণ যাত্রাবাড়ী
ডেমরা রোড, ঢাকা।

উত্তর: উক্ত হাদীছটি ইমাম তিরমিযী (রহঃ) যে সনদে বর্ণনা করেছেন তা হ'ল এই যে, আমার নিকট আহমাদ বিন মানী বর্ণনা করেছেন, তিনি বলেন, আমার নিকট ইয়াযীদ বিন হারুণ খবর দিয়েছেন, তিনি বলেন, আমার নিকট হাজ্জাজ বিন আরত্বাত বর্ণনা করেছেন, তিনি ইয়াহইয়া বিন আবী কাছীরের নিকট থেকে রেওয়াজত করেছেন। এই হাদীছ উদ্ধৃত করে ইমাম তিরমিযী (রহঃ) লিখেছেন যে, হযরত আয়েশা (রাঃ)-এর এই হাদীছ আমরা এই সনদ সহকারে জানি, যার একজন রাবী হ'লেন হাজ্জাজ। আর আমি ইমাম বুখারী (রহঃ)-এর নিকট শুনেছি যে, তিনি এই হাদীছকে যঈফ বলেছেন। তিনি বলেন, ইয়াহইয়া বিন আবী কাছীর উরওয়া থেকে শোনেননি। সেজন্যে ইমাম বুখারী (রহঃ) বলেন, হাজ্জাজ ইয়াহইয়া বিন আবী কাছীর থেকে শোনেননি (তিরমিযী, আবওয়াবুছ ছাওম নিছফে শা'বানের রাত্রির আলোচনা, যঈফ তিরমিযী হা/১১৯; বিস্তারিত দেখুন, সিলসিলা যঈফাহ হা/৪০৬; আলবানী-মিশকাত হা/১২৯৯-এর টীকা 'রামাযান মাসে রাত্রির ছালাত' অনুচ্ছেদ)।

অর্থাৎ এই হাদীছ সনদের দিক থেকে দু'জায়গায় বিচ্ছিন্ন। এক- হাজ্জাজ ও ইয়াহইয়ার মধ্যে এবং দুই- ইয়াহইয়া ও উরওয়ার মধ্যে। সেকারণ তাদের বর্ণনা বাদ পড়বে দলীলযোগ্য নয়। ইমাম তিরমিযী এই হাদীছ উদ্ধৃত করেছেন বটে। কিন্তু সঙ্গে সঙ্গে যঈফও বলেছেন (বিস্তারিত দেখুন: সিলসিলা যঈফা, ঐ)।

প্রশ্ন (১২/১৫২): রাসূলুল্লাহ (ছাঃ)-এর কবর যিয়ারত কি হজ্জের অন্তর্ভুক্ত? অনেক হজ্জ শিক্ষা বইয়ে রাসূলুল্লাহ (ছাঃ)-এর কবর যিয়ারত সম্পর্কে বহু হাদীছ লিখা আছে। যেমন **مَنْ زَارَ قَبْرِيَّ وَجَبَتْ لَهُ شَفَاعَتِي**

ইত্যাদি। এ ধরনের ফযীলতের হাদীছগুলি কি ছহীহ না যঈফ? জওয়াব দানে বাধিত করবেন।

-মুহাম্মাদ খায়রুযযামান
মোগলটুলী, ঢাকা।

উত্তর: রাসূলুল্লাহ (ছাঃ)-এর কবর যিয়ারত করা হজ্জের অন্তর্ভুক্ত নয় এবং এ ধরনের আব্বীদা পোষণ করাও উচিত নয়। বরং কবর যিয়ারত করা মুস্তাহাব। কেউ ইচ্ছা করলে যিয়ারত করতে পারেন (শায়খ আব্দুল আযীয বিন বায, আত-তাহক্বীক্ ওয়াল ঈযাহ লে কাছীরিম মিম মাসায়েলিল হাজ্জ ওয়াল ওমরাহ ওয়যয যিয়ারাহ ৮৮ পৃঃ)। ইমাম ইবনে তায়মিয়াহ

(রহঃ) বলেন, রাসূলুল্লাহ (ছাঃ)-এর কবর যিয়ারত সম্পর্কিত সবগুলি হাদীছ জাল ও যঈফ (ইবনে তায়মিয়াহ, মাজমু'আয়ে ফাতাওয়া ১/২৩৪; ঐ, তাহক্বীক ও ইয়াহ পৃঃ ৯০১ বিস্তারিত দেখুনঃ সিলসিলা যাদ্বিফা ১ম খণ্ড পৃঃ)। প্রশ্নে বর্ণিত হাদীছটিও যঈফ (দেখুন, সিলসিলা যাদ্বিফা ১/৬৪ পৃঃ; যঈফুল জামে' আছ-ছাগীর ৫/২০২ পৃঃ, ফাতাওয়া ইবনে তাইমিয়াহ ১/২৩৪ পৃঃ)।

প্রশ্ন (১৩/১৫৩): মুক্তাদীর ছালাত আদায় করা অবস্থায় ইমাম যদি মুক্তাদীর দিকে মুখ করে বসে থাকেন, তবে মুক্তাদীর ছালাত হবে কি?

-মুহাম্মাদ আব্দুস সালাম
সহকারী শিক্ষক
চন্দনপুর প্রাথমিক বিদ্যালয়
ডাকঘরঃ বগড়ারচর, জামালপুর।

উত্তরঃ প্রশ্নে উল্লেখিত অবস্থায় ছালাত হয়ে যাবে। কেননা রাসূলুল্লাহ (ছাঃ) আয়েশা (রাঃ)-কে সামনে রেখে ছালাত আদায় করতেন (মুত্তাফাকু আলাইহ, মিশকাত হা/৭৭৯ 'ছালাত' অধ্যায়, 'সুতরা' অনুচ্ছেদ)।

প্রশ্ন (১৪/১৫৪): বন্যাদুর্গত এলাকার ক্ষতিগ্রস্ত ধনী-গরীব সকলেই কি রিলিফ নিতে পারেন? দলীলভিত্তিক জওয়াব দানে বাধিত করবেন।

-আব্দুর রহমান
রাজপুর, কলারোয়া
সাতক্ষীরা।

উত্তরঃ বন্যাদুর্গত এলাকার কোন ধনী ব্যক্তি যদি রিলিফ গ্রহণের উপযুক্ত হন, তবে তিনি রিলিফ গ্রহণ করতে পারেন। এতে শরী'আতের কোন নিষেধাজ্ঞা নেই। কেননা বন্যা এমনই প্রাকৃতিক দুর্যোগ যে, এলাকার ধনবান ব্যক্তিটিও এই চরম দুর্দিনে হতাশায় মুহ্যমান হয়ে পড়েন। বাড়ী-ঘর বিষয়-সম্পত্তি অথৈ পানিতে তলিয়ে যাওয়ায় তাকেও পরিবার-পরিজন নিয়ে আশ্রয় শিবিরের শরণাপন্ন হ'তে হয়। এমত পরিস্থিতিতে তিনিও অন্যদের ন্যায় রিলিফ বা যে কোন ধরনের সাহায্য গ্রহণ করতে পারেন। রাসূলুল্লাহ (ছাঃ) বলেন, 'এক মুসলমান অপর মুসলমানের ভাই। যে ব্যক্তি তার কোন ভাইয়ের সাহায্যে এগিয়ে আসে, আল্লাহ তা'আলাও তার সাহায্যে এগিয়ে আসেন। যে ব্যক্তি কোন মুসলমানের দুঃখ-কষ্ট দূর করবে, আল্লাহ তা'আলাও কিয়ামতের দিন তার দুঃখ-কষ্ট দূর করবেন' (মুত্তাফাকু আলাইহ, মিশকাত হা/ ৪৯৫৮ 'আদব' অধ্যায়, সৃষ্টির প্রতি দয়া করা অনুচ্ছেদ)। তবে যাদের সামর্থ্য আছে, তাদের পক্ষে কোনমতেই হাত পাতা জায়েয নয়। কেননা রাসূলুল্লাহ (ছাঃ) বলেন, উপরের হাত নীচের হাতের চাইতে উত্তম' ()।

প্রশ্ন (১৫/১৫৫): জনৈক ব্যক্তি পুকুর পাড়ে বাধরুম করেছেন এবং এর পাইপ পুকুরের দিকে সংযোগ

দিয়েছেন। পুকুরের বদ্ধ পানিতে এভাবে পেশাব-পায়খানার পাইপ সংযোগ দেওয়া যাবে কি?

-মুহাম্মাদ জয়নাল আবেদীন
সাং- গোড়খাই
দুর্গাপুর, রাজশাহী।

উত্তরঃ পুকুর পাড়ে টয়লেট নির্মাণ করে তার পাইপ পুকুরের বদ্ধ পানিতে সংযোগ দেওয়া শরী'আত সম্মত নয়। কেননা রাসূলুল্লাহ (ছাঃ) বদ্ধ পানিতে পেশাব করতে কঠোর ভাবে নিষেধ করেছেন (মুত্তাফাকু আলাইহ, মিশকাত হা/৪৭৪; মুসলিম, মিশকাত হা/৪৭৫, 'তাহারাত' অধ্যায়, 'পানির বর্ণনা' অনুচ্ছেদ)।

প্রশ্ন (১৬/১৫৬): বিবাহ সম্পন্ন হওয়ার পর বিবাহ সম্পাদনকারী জনৈক আলেম বরকে শোকরানা দু'রাক'আত নফল ছালাত আদায় করতে বলেন এবং হাত তুলে সম্মিলিতভাবে মুনাযাত করেন। উক্ত বিষয়টি কুরআন ও সুন্নাহর আলোকে জানিয়ে বাধিত করবেন।

-মুহাম্মাদ আতাউর রহমান
গ্রাম- মেহেরচণ্ডি (চকপাড়া)
খড়খড়ি, বোয়ালিয়া, রাজশাহী।

উত্তরঃ বিবাহের পর শোকরানা দু'রাক'আত নফল ছালাত আদায় সম্পর্কে কোন দলীল পাওয়া যায় না। বিবাহ পড়ানোর পর খুবো পাঠ ও বরকে দো'আ করার কথা হাদীছে বর্ণিত হয়েছে। যেমন بَارَكَ اللَّهُ لَكَ وَبَارَكَ

الْخَيْرِ (বা-রাকাল্লা-হু লাকা ওয়া বারাকা আলায়কুমা ওয়া জামা'আয় বায়নাকুমা ফিল খায়ের) (আহমাদ, তিরমিযী, আবুদাউদ, ইবনু মাজাহ, মিশকাত হা/২৪৪৫ 'দো'আ' অধ্যায়, 'সময়ানুযায়ী পঠিত দো'আ' অনুচ্ছেদ, হাদীছ হযীহ)। সুতরাং এতদ্ব্যতীত যা করা হবে সবই বিদ'আত। বিবাহের পরে রাসূলুল্লাহ (ছাঃ) এভাবে দু'রাক'আত ছালাত আদায় করেছেন বা অন্যকে করতে বলেছেন বলে জানা যায় না।

প্রশ্ন (১৭/১৫৭): সহো সিজদায় কুরআন তেলাওয়াতের সিজদার দো'আ পড়তে হবে, নাকি ছালাতের সিজদার দো'আ পড়তে হবে? আর ৪ রাক'আত বিশিষ্ট ছালাতে ১ম তাশাহহুদ পড়তে ভুলে গেলে কি করতে হবে?

-আব্দুস সাত্তার
দাউদপুর রোড
টাঁপাই নবাবগঞ্জ।

উত্তরঃ ছালাতের সিজদায় যে দো'আ পড়তে হয় সহো সিজদাতেও ঐ দো'আ পড়তে হয়। অপরদিকে কুরআন তেলাওয়াতের সিজদার জন্য বিশেষ দো'আ রয়েছে। যা তেলাওয়াতের জন্যই নির্ধারিত। অন্য স্থানে এই দো'আ পড়ার হুকুম হাদীছে আসেনি। আর ৪ রাক'আত বিশিষ্ট ছালাতে ১ম দু'রাক'আত পর আত্তাহিইয়াতু পড়তে ভুলে

গেলে ৪ রাক'আত পড়ার পর সালাম ফিরানোর পূর্বে দু'টি সহো সিজদা দিতে হবে (বুখারী, মুসলিম, মিশকাত হা/১০১৭; 'হালাত ভুল হওয়া' অনুচ্ছেদ; হালাতুর রাসূল (ছাঃ) পৃঃ ৮৩-৮৫)।

প্রশ্ন (১৮/১৫৮): ১০ই মুহাররমে বিশেষ ধরনের খানাপিনার আয়োজন করা এবং দান-খয়রাত ও কবর যিয়ারত করা কি শরীয়ত সম্মত? ৯ ও ১০ বা ১০ ও ১১ই মুহাররমে ছিয়াম পাশনের কি কোন দলীল আছে? দলীল উল্লেখ পূর্বক জওয়াব দানে বাধিত করবেন।

-সইবুর রহমান

বন্দরটিলা

দক্ষিণ হালিশহর, চট্টগ্রাম।

উত্তরঃ মুহাররম মাসে আশুরার দু'টি ছিয়াম পালন ব্যতীত যা কিছু করা হয়, সবই বিদ'আতের অন্তর্ভুক্ত। ৯ ও ১০ অথবা ১০ ও ১১ই মুহাররমে ছিয়াম পালন করার নির্দেশ আল্লাহর রাসূল (ছাঃ) দিয়েছেন। তিনি বলেন, صَوْمُوا

'তোমরা ১০ই মুহাররমের আগে একদিন অথবা পরে একদিন শাহাদাতে হুসায়নের নিয়তে ছিয়াম পালন কর' (আহমাদ, ৪র্থ খণ্ড, ২১ পৃঃ সনদ হাসান, হাশিয়া হুহীহ ইবনু খুযায়মা হা/২০৯৫, ২/২৯০)। তবে কারবালার ঘটনাকে কেন্দ্র করে ঐদিন ছিয়াম পালন করা শরী'আত বিগর্হিত কাজ। এইরূপ ছিয়ামের কোন ছওয়াব আশা করা যায় না। বরং বিদ'আতী আমলের কারণে পরকাল হারানোর সজাবনাই বেশী (মুত্তাফাকু আলাইহ, মিশকাত হা/১৪০-৪১, 'কিতাব ও সুন্নাহকে আঁকড়ে ধরা' অনুচ্ছেদ)।

উল্লেখ্য যে, রামাযান মাসের ছিয়াম ফরয হওয়ার পূর্বে রাসূলুল্লাহ (ছাঃ) আশুরার ছিয়াম পালন করতেন এবং ছাহাবীদেরকেও নির্দেশ দিতেন। রামাযানের ছিয়াম ফরয হওয়ার পরও রাসূলুল্লাহ (ছাঃ) ও ছাহাবায়ে কেলাম আশুরার ছিয়াম পালন করতেন। সুতরাং মুহাররাম মাসে আশুরার দু'টি ছিয়ামই শরী'আতসম্মত ও ফযীলতপূর্ণ (বুখারী, মুসলিম, নাসাঈ, মিশকাত হা/২০৪৪, ২০৬৯-৭০)। এতদ্ব্যতীত বিশেষ খানাপিনার আয়োজন করা দান-খয়রাত ও কবর যিয়ারত ইত্যাদি যাবতীয় কর্ম শরী'আত বিগর্হিত কাজ। আল্লাহ আমাদের হেফযত করুন! আমীন!!

প্রশ্ন (১৯/১৫৯): কুরবানীর পশু ডান কাতে গুয়ায়ে, না রাম কাতে গুয়ায়ে কিবলামুখী করে যবেহ করতে হবে? কোন কোন আলেম ডান কাতে গুয়ায়ে কিবলামুখী করে যবেহ করা মুত্তাহাব বলেছেন। দলীলভিত্তিক জওয়াব দানে বাধিত করবেন।

-ক্বারী মুহাম্মাদ আব্দুল মতীন

গ্রাম- বরকামতা

চান্দিনা, কুমিল্লা।

উত্তরঃ কুরবানীর পশুকে ডান বা বাম কাতে গুয়ায়ে যবেহ করার প্রমাণে তেমন কোন বর্ণনা পাওয়া যায় না। তবে

রাসূল (ছাঃ) নিজ ডান পা দিয়ে পশুর ঘাড় চেপে ধরতেন এবং পশুর চোয়াল বাম হাত দ্বারা চেপে ধরে ধারালো ছুরি দিয়ে যবেহ করতেন (নায়ল ৬/২৪৫-৪৬)। এ বর্ণনা থেকে বুঝা যায় যে, রাসূলুল্লাহ (ছাঃ) পশুকে বাম কাতে গুয়াতেন। অতঃপর স্বীয় বাম হাত দ্বারা পশুর চোয়াল ধরতঃ কিবলামুখী হয়ে ধারালো ছুরি দ্বারা ডান হাতে যবেহ করতেন। কেননা বাম হাতে চোয়াল ধরে কিবলামুখী হয়ে ডান হাতে যবেহ করতে হ'লে পশুকে বাম কাতেই গুয়াতে হয় (বিস্তারিত দেখুনঃ মাসায়েলে কুরবানী পৃঃ ৯)। তাছাড়া বাম কাতে গুয়ায়ে যবেহ করা সহজ হয় (সুবুলুস সালাম ৪/১৭৭; মির'আত ২/৩৫১)।

প্রশ্ন (২০/১৬০): কেউ কারো মাধ্যমে সালাম পাঠালে তার উত্তর কিভাবে দিতে হবে?

-ওবায়দুল্লাহ

নওদাপাড়া মাদরাসা

রাজশাহী।

উত্তরঃ কেউ কারো মাধ্যমে সালাম দিয়ে পাঠালে তার উত্তর মাধ্যম ব্যক্তিকে এবং সালাম প্রেরণকারীকে অথবা শুধুমাত্র সালাম প্রেরণকারীকে দেওয়া যায়। রাসূল (ছাঃ) একদা মাধ্যম ব্যক্তি এবং সালাম প্রেরণকারী দু'জনকেই সালাম দেন (আবুদাউদ, মিশকাত হা/৪৬৫৫ 'সালাম' অনুচ্ছেদ, হাদীছ হুহীহ)। অতএব, عَلَيْكَ وَعَلَيْهِ السَّلَامُ (আলায়কা ওয়া 'আলাই হিস সালামু) বলা যাবে। একদা নবী করীম (ছাঃ) আয়েশা (রাঃ)-কে বলেন, জিবরাঈল (আঃ) তোমাকে সালাম প্রদান করেছেন। তখন আয়েশা (রাঃ) বলেন, اللَّهُ (আঃ)-কে উত্তর দিলেন (মুত্তাফাকু আলাইহ, মিশকাত হা/৬১৮১; 'রাসূল (ছাঃ)-এর স্ত্রীদের মর্যাদা' অনুচ্ছেদ, হুহীহ ইবনে মাজাহ হা/২৯৯৬)।

প্রশ্ন (২১/১৬১): পুনরায় উত্তর প্রাপ্তির আশায় বক্তাদের ২য় ও ৩য় বার সালাম প্রদান শরীয়ত সম্মত কি? জানিয়ে বাধিত করবেন।

-আব্দুল হাদী

নলছীয়া

সাঘাটা, গাইবান্ধা।

উত্তরঃ আলী ইবনে আবী ত্বালেব (রাঃ) বলেন, রাসূলুল্লাহ (ছাঃ) বলেছেন, 'চলন্ত ব্যক্তিদের পক্ষ থেকে একজনের সালাম প্রদান করাই যথেষ্ট এবং যারা বসে থাকবে তাদের পক্ষ থেকে একজনের উত্তর প্রদান করাই যথেষ্ট' (আবুদাউদ, মিশকাত হা/৪৬৪৮ 'সালাম' অনুচ্ছেদ, সনদ হাসান)। তবে বক্তাগণ শ্রোতাগণও নেকীর উদ্দেশ্যে জবাব দিবেন। কারণ প্রতি সালামে দশটি করে নেকী হয় (আবুদাউদ, মিশকাত হা/৪৬৪৪)। উত্তর প্রাপ্তির আশা করায় যদি নেকীর উদ্দেশ্য থাকে, তাহ'লে তা মোটেই অন্যায় নয়। শ্রোতাদেরকে

হবে কি?

-আবু ত্বালেব
পাঁচদোনা, নরসিংদী।

উত্তরঃ যেসব পাখি হালাল নয়, সে সব পাখি ক্ষতিকারক না হ'লে শিকার করা জায়েয নয়। কারণ রাসূল (ছাঃ) শুধুমাত্র ক্ষতিকারক পশু-পাখিকেই মারতে বলেছেন। যার মধ্যে ঈগল, বাজপাখি এবং এক ধরনের কাক রয়েছে। সাথে সাথে সকল প্রাণীর প্রতি দয়া পোষণ করা নেকীর কাজ বলে ঘোষণা করেছেন (মুত্তাফাকু আলাইহ, মিশকাত হা/১৯০২ 'যাকাত' অধ্যায়, ছাদাকুর ফযীলত' অনুচ্ছেদ)।

প্রশ্ন (৩০/১৭০)ঃ ঘুষখোর ব্যক্তি মসজিদে দান করলে নেকী পাবে কি এবং ঘুষখোরের টাকার জিনিস মসজিদে লাগানো যাবে কি?

-মুকাররাম হোসায়েন
শুকদেবপুর
চিরিরবন্দর, দিনাজপুর।

উত্তরঃ ঘুষখোর ব্যক্তি তার ঘুষ মিশ্রিত টাকা মসজিদে দান করলে নেকী পাবে না এবং ঘুষ মিশ্রিত টাকার জিনিস মসজিদে লাগানোও যাবে না। কারণ মসজিদ একমাত্র আল্লাহর জন্য (জিন ১৮)। আর আল্লাহ তা'আলা অবৈধ সম্পদ কবুল করেন না। রাসূলুল্লাহ (ছাঃ) বলেন, 'নিশ্চয়ই আল্লাহ পবিত্র। আল্লাহ তা'আলা একমাত্র পবিত্র বস্তুই কবুল করেন' (মুসলিম, মিশকাত 'ক্রয়-বিক্রয়' অধ্যায় হা/২৭৫৯)। তবে টাকা পবিত্র কি অপবিত্র সেটা বাছাই করার দায়িত্ব মূলতঃ দাতার।

প্রশ্ন (৩১/১৭১)ঃ মাযহাবপন্থীদের আনুগত্য করা যাবে কি? আমার পিতা হানাফী এবং মাতা আহলেহাদীছ। আমি কার আনুগত্য করব?

-ইসরাঈল
বাঁশদহা, সাতক্ষীরা।

উত্তরঃ পিতা নেকীর কাজের আদেশ করলে অবশ্যই তাঁর আনুগত্য করতে হবে। শিরক-বিদ'আতের আদেশ দিলে তা মান্য করা যাবে না (লুকমান ১৫)। সর্বোপরি পিতা হিসাবে তিনি সর্বাবস্থায় সন্তানের আনুগত্য পাবার হকদার। আপনি পিতা ও মাতা উভয়ের যেকোন নেক আদেশের আনুগত্য করবেন।

প্রশ্ন (৩২/১৭২)ঃ ক্বাযা ছালাত আদায়ের সময় ইক্বামত দিতে হবে কি? এবং মাগরিব, এশা ও ফজরের ছালাত দিনে আদায় করলে কিরাআত জোরে করতে হবে কি?

-রুববেল, তরফসরতাজ
গাবতলী, বগুড়া।

উত্তরঃ ক্বাযা ছালাত আদায়ের সময় ইক্বামত দিতে হবে এবং মাগরিব, এশা ও ফজরের ছালাত দিনে আদায় করলে কিরাআত নীরবে করতে হবে। রাসূল (ছাঃ) ক্বাযা ছালাতের ইক্বামত দেন এবং কিরাআত নীরবে করেন

(বুখারী, মুসলিম, মিশকাত হা/৬৮৩)।

প্রশ্ন (৩৩/১৭৩)ঃ কোন মুসলমান মারা গেলে গোসলের আগে ও পরে কুরআন পড়া এবং মৃত ব্যক্তির নামে ৭ দিন পর ও ৪০ দিন পর কুরআন পড়া যাবে কি?

-হেলালুদ্দীন
মুর্দবলাইল
সারিয়াকান্দী, বগুড়া।

উত্তরঃ কোন মুসলমান মৃত্যুবরণ করলে গোসলের আগে ও পরে কুরআন তিলাওয়াত করার কোন প্রমাণ পাওয়া যায় না। ইমাম ইবনে তায়মিয়াহ (রহঃ) বলেন, 'এরূপ আমল ইসলামী বিধান নয়' (মাজমু'আ ফাতাওয়া ২৪/৩০০, ৪/৩৪২; যাদুল মা'আদ ১/৫২৭; নায়লুল আওত্বার ৪/৯২ পৃঃ)। ৭ ও ৪০ দিন পর তথা প্রচলিত কুলখানি ও চল্লিশা এবং কুরআন পড়ার অনুষ্ঠান রাসূল (ছাঃ)-এর যুগে ছিল না। অতএব এগুলো শরী'আত বিগর্হিত কাজ। যা বর্জনীয় (মুত্তাফাকু আলাইহ, মিশকাত হা/১৪০; বিস্তারিত দেখুনঃ ছালাতুর রাসূল (ছাঃ) পৃঃ ১১৯-১৩১)।

প্রশ্ন (৩৪/১৭৪)ঃ বাচ্চা জন্মের পর সাত দিনের পূর্বে মারা গেলে ঐ বাচ্চার আক্বীক্বা দিতে হবে কি?

-আব্দুল বারী
হাজীটোলা, দেবীনগর
চাঁপাই নবাবগঞ্জ।

উত্তরঃ বাচ্চা জন্মের সাতদিনের পূর্বে মারা গেলে তার আক্বীক্বা দিতে হবে না। কারণ রাসূলুল্লাহ (ছাঃ) বাচ্চার জন্মের সপ্তম দিনে আক্বীক্বা নির্ধারণ করেছেন (আহমাদ, তিরমিযী, আব্দাউদ, নাসাই, মিশকাত হা/৪১৫৩ 'আক্বীক্বা' অনুচ্ছেদ হাদীছ হুহীহ; হুহীহ ইবনু মাজাহ, আক্বীক্বা অধ্যায়, হা/২৫৮০)। ইমাম শাওকানী বলেন, সাতদিনের পূর্বে বাচ্চা মারা গেলে তার আক্বীক্বা দিতে হবে না (নায়লুল আওত্বার ৬/২৬১)।

প্রশ্ন (৩৫/১৭৫)ঃ আমার ৫০ হাজার টাকা ঋণ আছে। পরিশোধের কোন ব্যবস্থা নেই। এমতাবস্থায় আমি মারা গেলে আমার কি হবে? 'শহীদ হ'লে ঋণ ব্যতীত সমস্ত পাপ মাফ হয়ে যায়' এ হাদীছটি কি হুহীহ?

-আমীনুল ইসলাম
রুবুরহাট, নরসিংদী।

উত্তরঃ এরূপ ব্যক্তিকে ঋণ পরিশোধের আশ্রয় চেষ্টা করতে হবে। সম্ভব না হ'লে ঋণদাতার নিকট ক্ষমা চেয়ে নিতে হবে। ঋণ পরিশোধ ব্যতীত মৃত্যুবরণ করলে হাশরের মাঠে নিজস্ব নেকী দিয়ে ঋণের দাবী পূরণ করতে হবে। নেকী শেষ হয়ে গেলে ঋণদাতার পাপ গ্রহণ করতে হবে (বুখারী, মিশকাত হা/৫১২৬ 'আদব' অধ্যায় 'যুলম' অনুচ্ছেদ)। আল্লাহর রাস্তায় শহীদ হ'লে ঋণ ব্যতীত সমস্ত পাপ মাফ হয়ে যায়' হাদীছটি হুহীহ (মুসলিম, মিশকাত হা/৩৮০৬ 'জিহাদ' অধ্যায়)।